



सानसेयारि 'बड'सा' खरीलाइयाव
समजयारि जिउजो लोखा थनाय रायथाय, खन्थाय,
सल', सल'बाथा आबो हावबायारि थावनि, पार्क
बाइदिनि स्यायव लिउनाय लिउबिबां दैथाय ठर!
सानसेयारि 'बड'सा' खरीलाइया सेबरानानै
फोसावगोन।
बड'सायाव लिउठरनायानि ठुबा खालाम,
'बड'सा' खरी नोथां, जो बयबो आंगो खालाम।
सानसेयारि बड'सा मावखुनि
माइबं नोगोर, जोहोलाव दैमालु लामा
कक्राझार, बिडिसि-783370
Website: www.bodosanewspaper.com

FZBODOSA ★ A Bodo News Daily ★ Monday ★ 29 April, 2024 Kokrajhar, BTC, Assam ★ Vol.- 34, Issue No. 33 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

फकिराग्रामाव एनडिएनि बिजाथि जयन्त बसुमतारिनि जानानै गिबि मन्थिआ फोसावदिंदों

कक्राझार, 28 एप्रिल: थामथि खेवनि थाखाय नरेन्द्र मदिखों गाहाइ मन्थि खालामनायनि थांखिजों दिने कक्राझारआव गोबां अखा हानायनि गेजेरावबो गोबां राइजो-राजाफोर गिबि मन्थि हिमन्त बिश्व शर्माजों मेथाइ खन्नानै मोसाफायो। मख'नो गोनांदि, फेगौ 7 मेआव खुंनो गोनां थामथि खोलोबनि बिसायख'थिनि फोसावदिंदो दिने कक्राझार बियाबनि सिडाव थानाय फकिराग्रामाव गिबि मन्थि ७ हिमन्त बिश्व शर्माआ



नुजाथिहैनायाव फकिराग्राम सहराव सुबुनि बाना सोमजियो। एनडिएनि बिजाथि जयन्त बसुमतारिनि जानानै फोसावदिंदो फेनानै कक्राझार जिल्लानि फकिराग्रामाव खुंनया देहासार समाय खिरा गौमायाव बाहागो लाफेनाय गिबि मन्थिखों दुंबुदयै बरायो। गिबि मन्थि हिमन्त बिश्व शर्माआ मेलाव बाहागो लानाय राइजो-राजाफोरजों फिन खेवसेबाव मदि सरकार मेथाइयाव मोसानो खवलायनानै
(□ 5 बिलाइआव)

सालबारियाव कक्राझार लक सभा बियाबनि बिपिएफनि बिजाथि खाम्फा बरगयारीनि बिसायख'थियारि फोसावदिनाय हाबाफारि

कक्राझारि फारफोमबो दिगआव नांगोल हान्जा जानायाव जुथाय हान्जाया गिखंदों: खाम्फा बरगयारी

भवानिपुर, 28 एप्रिल: कक्राझार लक सभा बियाबनि बिपिएफ दोलोनि बिजाथि खाम्फा बरगयारीआ दिने बावसा जिल्लानि सालबारि महकुमानि सिडाव थानाय साउदरभिता, बासबारी, सालबारि, गलागाव, सलिकान्दा, बरतारि, सुनबारि बायदि ओन्सोलाव बिसायखनथियारि मेल खुंनानै गोखों फोसावदिदो। साउदरभितानि बिपिएफ दोलोनि
(□ 5 बिलाइआव)



बाक्सानि सालबारियाव मिरु राइज्यो मन्थि रामेश्वर तेलिआ बिसायख'थि फोसावदिंदों



सालबारि, 28 एप्रिल: साहा बागाननि सुबुंफोर भारतीय जनता पार्टी (बिजेपि)नि मावफारिया जानो जागयजेनबाय। 1998 माइथायाव जेव्ना जों दोलोयाव फेदोंमोन, बे समाव बागाननि सुबुंफोर कंग्रेसनि मदतगिरि जादोंमोन। आथिखालाव कंग्रेस नागारानै आसामनाडैनि साहा बागाननि सुबुंफोर बिजेपिसिम फेबाय। -बेबायदि बिबुंथिखों मिरु राइज्यो मन्थि रामेश्वर तेलिआ होदों। बावसा जिल्लानि सालबारियाव
(□ 5 बिलाइआव)

राभा हारियारि आफादआ बिजेपि जुथाय दोलोनो हेफाजाब हेनो फोसावदों

गुवाहाटी, 28 एप्रिल: आसामयाव लक सभा बिसायख'थि 3 थि खोलोबनि भट थुनाय हाबाफारिनि सिगाडाव दुधने दुलाराय राभा फरायसा आफादिनि गाहाइ मावखुलियाव दिने मोनथाम राभा हारियारि आफाद फारिये - दुलाराय राभा फरायसा आफाद, दुलाराय राभा आइजो गौथुम आरो 6 थि फारिलाइ दाबि आफादआ 3 थि खोलोबयाव खुंजानो गोनां गुवाहाटी, बरेपेट, कक्राझार आरो धुबुरी लकसभा बियाबआव



बिजेपि जुथाय दोलोनि फसंजानाय बिजाथिफोरनो उदाडै हेफाजाब होनानै मोनसे खौरंगिरि मेल खुंदों। आरसुनि

जिल्ला थाखोनि उशु बादायलायनायनि थाखाय कामरुप जिल्ला हान्जा दाफुंबाय



गुवाहाटी, 28 एप्रिल: कामरुप जिल्लानि पलाशबारि बिधान सभा बियाबनि सिडाव थानाय बागानआव 27 एप्रिलनिफराय साननेनि हाबाफारिजों खुंनया 17 थि कामरुप जिल्ला थाखोनि उशु बादायलायनाया दिने थुंगेफेयो। बरदुवार उशु एकाडेमिनि बान्जायनायाव बागान जारापाता गेलेग्रा फोथायाव 27,28 एप्रिलआव साननेनि हाबाफारिजों 17 थि कामरुप जिल्ला (गामियारि) उशु बादायलायनाया खुंजुंजायो। उशु बादायलायनाय कामरुप गामियारि जिल्लानि गुबुन गुबुन ओन्सोलानि गासै मोन 7 कलाबफोर बाहागो लादोंमोन। उशु बादायलायनायाव गाहाइ सामब्लायगिरि महैरे राकसें माराक, गाहाइ बिजिरगिरि महैरे रातुल शइकिया, लोगो सामब्लायगिरि महैरे गपि सिंह लामा
(□ 5 बिलाइआव)

CYMK

समाज सिबियारि-सैथो सोमावसारग्रा रुंसारि सुभाष बसुमतारिनि सारादुयाव गोसोखां लाइसि बेखेवदों

बासुगाव, 28 एप्रिल: जर'खा समाज सिबियारि, दुलाराय बर' फरायसा आफाद (एबसु) नि गायसनगिरि लेडाइ आफादगिरि, बाडालदबा बड'सा गोजौ फरायसालिनि गाहाइ फोरेंगिरि, बासुगाव गुदि बर' थुनलाइ आफादिनि गायनगिरि नेहाथारि, बासुगाव गोजौसिन गेजेरारि फरायसालि सामलाय आफादिनि आफादगिरि, बासुगाव फरायसालिमा गर्भनि बडिनि गुबुन सासे सोद्रोमा, बासुगाव नोगोर आफादिनि आफादगिरि, बिएससिनि गौथुमयारि मावफुं सोद्रोमा बायदि गुबुन गुबुन
(□ 5 बिलाइआव)



आफाद फसंथान, राजखान्थि दोलोखों दैदेनबोनाय जर'खा
(□ 5 बिलाइआव)

सिलायजों सिगिनानै भट नागिर्याफोर दानिया आखाइ खबजबनानै भट नागिरो: गिबि मन्थि

काजलगाव, 28 एप्रिल: 'सिगां समाव सिलाय दिन्थिना सिगिनानै भट बियोमोन। दानिया आखाइ खबजबनानै भट बियो। दाडा-बाजि, बमा बेरफुनाय, गुलि गावनायजों गोजोन गैथै थासारि सोमजिनाय बिटिएडिआव दानिया गोजोन थासारि फेनायजों लोगोसे सोरगिदि जौगानाय फेदों। दिने जों 'फिन खेवसेबाव मदि सरकार' मेथाइ देंखेजों बर', राजबंशि, आदिबाशि, नेपाल,
(□ 5 बिलाइआव)



सिडिएसनि दावबायनाया भारत-फ्रान्स गोलाव समनि सोमोन्दोखों गोखोंसिन खालामदों

गोदान दिल्ली, 28 एप्रिल: चिफ अफ डिफेन्स स्टाफ (सिडिएस) जेनेरेल अनिल चौहानआ फ्रान्स दावबायखांनयनि उनाव भारतआव फेफिनबाय। बिथानि दावबायनाया भारत आरो फ्रान्सनि गेजेराव गोबाव समनिफ्रायनो सोलिबोनाय सोलोआरि बाहागोआरिखों रोखा खालामदों। बे मोनै हादतनि गेजेराव फारसेयारि रैखाथि हेफाजाबखोंबो आरोबाव
(□ 5 बिलाइआव)



इक'ल मिलिटायर (मिलिटारि स्कूल) आव रौनिया हान्जा आरो जथाय स्टाफ क'सनि रौनिया
(□ 5 बिलाइआव)

तामुलपुरनि गुवाबारियाव दुलाराय आसाम बाडालि लाइमोन फरायसा फेडारेसनआ रडालि बिहु फोर्बो खुंदों

तामुलपुर, 28 एप्रिल: दुलाराय आसाम बाडालि लाइमोन फरायसा फेडारेसन तामुलपुर जिल्ला आफादिनि हेफाजाबाव आरो बाडालि लाइमोन फरायसा फेडारेसन नाप्रिजुलि आन्सलिक आफादिनि बान्जायनायाव तामुलपुर जिल्ला नाप्रिजुलिनि गुवाबारियाव थानाय गपिनाथ बरदलै गोजौसिन गेजेरारि
(□ 5 बिलाइआव)

CYMK

फरायसालि गेलेमु फोथायाव दिने सानसेनि गेदेर हाबाफारिजों सेथि बोसोरारि रडालि बिहु (रंजालि बैसागु) फोर्बो खुंनया जादों। हाबाफारि बायदियै फुनि 8:00 रिंगायाव आफादिनि फिफिल्लाखों बिरहोयो बाडालि लाइमोन फरायसा फेडारेसननि तामुलपुर जिल्ला आफादिनि आफादगिरि देबब्रत सरकारआ।
(□ 5 बिलाइआव)



फुनि 8:30 रिंगायाव बिहुनि फिफिल्लाखों बिरहोयो गपिनाथ बरदलै गोजौसिन गेजेरारि फरायसालिनि गोरयुं कुण्ण महन दासआ। फुनि 9:00 रिंगायाव ओन्सोलानि माखासे जर'खा सुबुंफोर बिफां-फुलि गायनाय हाबाफारि लायो। फुनि 10:00 रिंगायाव मुंखुंफोरनो मान
(□ 5 बिलाइआव)

CYMK

सुजुगिरिनि खोलोम

हादतनि बिसायख 'थि

सोलिगासिनो थानाय हादतनि 18 थि लकसभा बिसायख 'थिया मोन 7 खोलोबजों खुंजागोन। बेनिनो थानाय 19 एप्रिल आरो 26 एप्रिलखालि सेथि आरो नैथि खोलोबनि भट फोर्बोया खुंजालाबाय। बे मोनै खोलोबयाव फारिये दर 21 आरो दर 12 राडज्योन मोन 102 आरो मोन 88 बियाबफोरव गहामै गहाम भट फोर्बोया खुंजायो। फैगौ 7 मे अक्टयाव 3 थि खोलोबनि भट खुंनो गोनां दर 13 राडज्योन मोन 94 बियाबफोरनि गेजेराव आसामनि मोन 4 बियाबफोराबो दंफायो। बेनि गेजेराव सुबुंफोर आरो समाजआरि ब्रिजोंफोराव गोबांधारै सावले जानाय 1 नं कक्राझार (एसटि) बियाबआबो दड। बे बियाबआ नंखाय हारिनि फोरमान लाइजों बिसायख 'थि गेलेनायनि थाखाय मुंदाखा आरो बर' हारिनि मोनसेल' आरो मान गोनां लकसभा बियाब। फार्सेथि मोनै ओन्सोलारि राजखान्थि दोलोनि गेजेराव बे बियाबखौ दखल खालामनो बिसायख 'थि दावहानि जुजिनाय आरो फोसावदिनायाबो समानैनो सोलिगासिनो थानायखौ नुनो मोनाय जादों।

खुंनो लानाय गासै 543 मासिनि गेजेराव एससि हारिनि थाखाय मोन 84 मासि, एसटिनि थाखाय मोन 47 मासि आरो मोन 412 मासिखौ जेनेरेलफोरनि थाखाय थिनानै दोन्नाय जादों। गासै सा 96,88,21,926 कौटि भटारफोरनि गेजेराव सा 49,72,31,994 हौवा आरो सा 47,15,41,888 हिन्जाव भटारफोर। थामथि आथोननि सा 48,044 भटारफोराबो भट होगोन। बेरफार्से गिबि खेबनि थाखाय (18-19 बोसोरनि) भट होनो मोनजेन्नाय सा 1,84,81,610 कौटि लाइमोन भटारफोरबो बे खेबनि बिसायख 'थियाव बाहागो लागोन। बे रोखोमैनो 20 निफ्राय 29 बोसोर बैसोनि गेजेराव थानाय सा 19,74,37,160 लाइमोन भटारबो दड। बिसायख 'थि आयगनि बादियै बेंगुरा भटया गासै सा 88,35,449, बोसोर 85 नि बांसिन बैसोनि सा 81,87,999 भटार, 100 बोसोर बारनाय सा 2,18,442 भटार आरो गिबि खेबनि थाखाय भट होजेनगोन हिन्जावसा (18-19 बोसोर) भटारफोरनि अन्जिमाया सा 85.3 लाख।

हादतनि बे गिदित बिसायख 'थि फोर्बोयौ गहामै गहाम खुंफुंलांनो थाखाय बिफानारिआ मोन 7 खोलोबजों 44 साननि बिसायख 'थि सान फोसावदों। बिसायख 'थिनि भट फोर्बो खुंनो गं 10,48,202 पलिं स्टेसनबो गायसन्दों लोगोसे बिसायख 'थि मावफारिया आरो रैखाथि हान्जाखौ लानानै गासै सा 1.5 कौटि मावफारियाफोर थिसननायजों लोगोसे गं 55 लाख इभिएम बो थिसन्दों बिसायख 'थि फोर्बोआव। नोजोर होथावनादि-हादतनाडै गनायथि मोन्नाय राजखान्थि दोलोनि अन्जिमाया मोन 2798, बेनि गेजेराव माहारियारि थाखानि मोन 6 आरो राडज्योफोरनि ओन्सोलारि राजखान्थि दोलोनि अन्जिमाया गासै 58।

दिनेनि फान्जामुथि

राशि बाइदियै मुनि गिबि हांखो

मेघ : अल वृष : ऊब (उ ए इ) मिथुन : कछ (ङ घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: माबाफोर गात्रि जिंगायाव गोल्सो हागौ। जैरेबो सांरां जानानै थानांगोन।

वृष: मानिबा थाखाय जिंगा सिनांनो हागौ। गोसो हमथानानै सोलिनांगोन।

मिथुन: गोसो सिंआव माखौबा लानानै गात्रि मोन्नाय सोमजिनो हागौ। गोसोखौ लोरबां लानो नाड।

कर्कट: बे राशिनि थाखाय शुभ सम। मोजां खामानि मावनानै लानो हागोन।

सिंह: लोगोनियाय माबाफोर हेफाजाब मोन्नो हागौ। गोजोन्नाय मोनगोन। मोजां सान।

कन्या: मोजां मोनलायनायनि दौलेंआ गोरा जागोन। अनलायनाया बांगोन। मोजां सम।

तुला: माबाफोर खामानियाव नांथावनानै थानांनो हागौ। जेना थानायफोरा जोबनाय नड।

बृश्चिक: जेखि मावा मुलाम्फा मोन्नो हागोन। फारफोमथिबो मोजां। गोजोन मोनगोन।

धनु: बहाबाफोर दावबायहेनो मोन्नो हागौ। गोसोखौ गोजोन मोनगोन। मोजां सान।

मकर: मोजां मोनलायनायाव अन्नाय होलायनाया बांगोन। गोजोनै सम बारहोनो हागोन।

कुम्भ: फालांगिरि मावग्रानि थाखाय गहाम सान। रांखावरि मुलाम्फा मोन्नो हागोन।

मीन: बहाबाफोर दावबायहेनानै गोजोन्नाय लानो हागोन। बे राशिनि थाखाय मोजां सम।

सरकार दर 6 हादतफोरनो 99,150 टन सामब्राम गोजा दैथाइ हरनो गनायथि होबाय

गोदान दिल्ली, 28 एप्रिल : मिरु सरकार शनिबारखालि बुडोदि, बिसोरनि गुबुन हादतफोराव दैथाइहरनायखौ होबथासे यावबो दर 6 हादतफोरनो 99,150 टन सामब्राम गोजा दैथाइहरनो गनायथि होबाय। मिरुआ सोनाब एशिया आरो माखासे इउरपीय हादतफोरनो दैथाइहरनाय बाजारफोरनि थाखाय जर'खायै गायनाय 2,000 टन गुफुर गाबनि सामब्राम गोजाखौबो दैथाइहरनो गनायथि होबाय। सरकारा थानाय 2023 नि 8 डिसेम्बराव सामब्राम गोजा दैथाइ हसनायनि



सायाव होबथानाय जाबसिन्ना होदोंमोन। अदेबानि सरकार दर 6 हादतफोर बांलादेश, इउएइ, भुयान, बहरिन, मरिशस आरो श्रीलंकानो 99.150 टन सामब्राम गोजा दैथाइ हरनो गनायथि होयो। थानाय बोसोरनि रुजुनायाव 2023-24 आव

खम जानायनि जाहोनाव थोजासे नख 'रारि मोन्नो हानायखौ रोखा खालामनो थाखाय होबथानाय जाबसिन्ना होयो। बे हादतफोरनो सामब्राम गोजा दैथाइ हरग्रा एजेन्सि एनसिइएलआ इ-प्लेटफर्मनि गेजेरजों गुबुन हादतआव दैथाइहरनो थाखाय नख 'रारि सामब्राम गोजाखौ दाबि दैथाइ। बावैसो सिगां भारतआ सोलिफु रांखान्थि बोसोरनि समाव मालद्विपनौ दावदै, गनायथि होयो।

गिबि मन्थि ममता बेनार्जीआ हेलिकप्टरआव गोग्लैना जोखोम जादों

कलकाता, 28 एप्रिल : तुणमुल कंग्रेसनि गाहाइ आरो सोनाब बंगनि गिबि मन्थि ममता बेनार्जीआ जोखोम जादों। दुर्गापुरआव जेब्ला हेलिकप्टरआव गाखोनो नागिरदोंमोन अब्लानो बिथाडा गोग्लैना जे खोम जानाडो। बेनि भिडिअबो भाइरेल जादों, जेयव नुनो मोन्दाँदि, ममताया हेलिकप्टरआव गाखोना सिडव सौहैदों आरो सिटआव जिययनो नागिरनाय समावनो बेलेन्स गोमानानै आरो बाज्जे थानानै गोग्लैयो। गोब्राव जोखोम जायाखेब्लाबो गिबि मन्थिआ सरासनसा जोखोम जायो। जाब्रबथाइनि दसे सम उनावनो हेलिकप्टरआ बेनिफ्राय उरयलाडो। खौरनि बायदिब्ला, शनिबार सान्जोफु समाव सोनाब बर्धमान जिल्लानि दुर्गापुरआव गंसे हेलिकप्टरआव गाखोनाय समाव बेलेन्स गोमायो आरो



गिबि मन्थि ममताया गोग्लैयो। बे समाव मोनसे बिसायख 'थि रेलिनि थाखाय बिथाडा कुल्टीआव थानो नागिरदोंमोन। बे जाथाइ जानाय समाव ममता बेनार्जीजों लोगोसे थांफानाय सासे गागि बिबानगिरिया जाथाइखौ मिबथिहोना नै ममताया गाहामैनो दड होन्ना बुंदों। जाब्रबथाइनि उनाव बिथाडा कुल्टीआव थाडो आरो आसनसलनि टिएमसि बिजाथि शत्रुघन सिन्हानि जानानै रेलियाव बिबुंथि लाखियो। मख 'जाथावदि, माखासे सान सिगां ममता बेनार्जीआ गाबनि न'आवनो बेरायगंलानाय समाव गोग्लैदोंमोन। जेराव बिथाडा खर'आव जोखोम जादोंमोन। बेनिबो मोनसे सावगारि सोराडव फादोंमोन, जेयव ममतानि खर'आव थै गनाय नुनो मोन्दाँमोन। बेनिफ्राय थाबैनो एसएसकेएम देहा फाहामसालियाव लानानै थांदोंमोन। बेनिफ्राय माखासे साननि उनावनो गिबि मन्थिनि सावस्त्रिया गाहामाव फैयो।

आइआरसिटिसिआ रेल दावबायनायनि नेम-खान्थियाव सोलायनाय लाबोदों

गोदान दिल्ली, 28 एप्रिल : भारतीय रेलवेआ दावबायनाय टिकेटनि सायाव अल्टरनेटिभ इन्सुरेन्सनि नेम-खान्थिफोराव सोलायना होदों। आथिखालाव रेल दावबायनाय समाव गथ 'फोरनि हाफ टिकेट लानायनि सायाव अल्टरनेटिभ इन्सुरेन्सनि मुलाम्फाखौ मोन्नाय नड। आइआरसिटिसिआ बायदिब्ला, आथिखालाव फुल टिकेट बुक खालामनायावल' दावबायारिफोर बिमा सुबिधानि मुलाम्फाखौ मोन्नो हागोन। बेर फार्से आइआरसिटिसिआ अल्टरनेटिभ इन्सुरेन्सनि प्रिमियारखौबो बारयना होदों। 1 एप्रिलनिफ्राय साफ्रोम दावबायारिनि प्रिमियारखौ 45 खालामना होनाय जाबाय। अदेबानि बेयो सिगाडव 35 रांमोन। आइआरसिटिसिआ बायदिब्ला, अल्टरनेटिभ इन्सुरेन्स बिथांखिनि मुलाम्फाखौ इ-टिकेट बुक खालामनाय दावबायारिफोरल' मोन्नो हागोन। रेल टिकेट काउन्टरनिफ्राय बायनाय टिकेटयाव इन्सुरेन्सआ सोलिनाय नड। अनलाइन एबा इ-टिकेट लानायनि सायाव ट्रेनि



गासै थाखो- फस्ट एसि, सेकेन्ड एसि, थर्ड एसि, स्लीपार, चेपारकार बायदिनि कन्फर्म आरो आरएसि टिकेटयाव बे सुबिधाखौ मोनगोन। बेरफार्से वेटि टिकेट लानाय दावबायारिफोरा बे इन्सुरेन्स बिथांखिनि गुण थानाय नड। अदेबानि अनलाइन टिकेट बुक खालामनाय समाव बिमा बिथांखि सुबिधानि मुलाम्फाखौ लागोन ना लाया बेखौ सायख 'नांगोन। जुदि दावबायारिफोर बे इन्सुरेन्सनि मुलाम्फा लानो लुबैदोंब्ला बिसेर बै अषनाव क्लिक खालामनांगौ। बेनि उनाव बिमा कम्पानीनि फारसेनिफ्राय रेल दावबायारिफोरनि मबाइल आरो इ-मेलयाव मेसेज फैयो। दावबायनाय समाव ट्रेनि लामाया सोलायब्लानो

अख्रामा रैखाथि नेम-खान्थिखौ सेलेन्स होग्रा मिसाइलफोरजों लेस गोनां दावहार उरं जाहाज बानायदों

गोदान दिल्ली, 28 एप्रिल : चीनजों लोगोसे सिमनायाव जेनाखौ नोजोर होनानै भारतआ गाबनि सान्थियारि गोहोखौ गोखौ खालामनो थाखाय लान्थियै नाजाबाय थयो। बेनि गेजेरजों हादतआव रैखाथि जोन्थोरफोर बानायनायजों लोगोसे लोगो हादतफोरनिफ्राय गोदान मुगानि मिसाइलफोर आरो सान्थियारि जोन्थोरफोर बायनानैबो दावहार उरं जाहाजफोरनि हान्जानि गावनो हानाय गोहोयाबो बांगसिनो दड। बे बिथिडव



अख्रामा रैखाथि रैखाथि नेम-खान्थिखौ सेलेन्स होग्रा रम्पेज मिसाइलफोरखो भारतयारि अख्रामा सान्थि आरो नेभिनि हान्जायाव सोफाबाय। सुपारसनिक एबा रम्पेजआ 250 किल 'मिटारसिम थांखिखौ सिलिंखार खालामनायाव जाफुंसारनो हायो। अख्रामा सान्थिया सुखइ-30 एमकेआइ आरो मिग-29, जागुआर दावहार, उरं जाहाजफोरा रम्पेज मिसाइलजों लेस खालामनाय होन्ना रैखाथि सुलुडा फोरमायदों। नेभिया मिग-29 नि नेभि दावहार उरं जाहाजफोरनि थाखाय मिसाइलफोरखौ गावसोरनि हान्जायावनो सोफादों। आथिखालाव अख्रामा सान्थिया रम्पेजखौ मेक इन इन्डिया हाबाफारिनि गेजेरजों बानायनो हानायनि सायावबो सावरायगासिनो दड।

चीननि गुआंजौआव गिखंथाव साइक्लनजों सा 5 जिउ ख 'हा

बेइजिं, 28 एप्रिल : खोला चीननि 19 मिलियन सुबुंफोर थानाय सहर गुआंजौआव शनिबारखालि गिखंथाव बारहुंखा एबा साइक्लन फेदों, सा 5 सुबुंफोरनि जिउ गोमायो आरो सा 33 नि बांसिन जोखोम जायो। खौरनि बायदिब्ला बिबानगिरिफोरा मिबथिहोदों गं 141 फेक्टरीफोरनि बिलिडंआव ख 'हा जादों। नाथाय थाप्रा न'-बां, बिलिडंफोरा बायग्र 'बाखें। मिडिया खौरनि रिपटनि बायदिब्ला, बैयुल जिल्लानि लियंटियान गामियाव गंसे बोथोर मिरुआवबो साइक्लन फेदों। बे समाव बारआ 1 सेकेन्डआव 20.6 मिटारनि गोखेंथियै बारनायखौ थिसननो मोन्दों। बे साइक्लनआ खोला चीनआव माखासे साननिफ्रायनो हानाय रोजा अखानि उनाव फेदों, जेराव गिदिर दैबाना जादों आरो गोबां सुबुंफोरनि जिउआव खैफोद साग्लोबदों। मानोना गिखंथाव दै बानायाव राहा गोथेनाय सुबुंफोरखौ रैखाथि मावथिफोरा रैखाथि गोनां जायगासिम लानायाव आबुडै जाफुंसारनो हायाखै। फारसेथि बोथोर बिफानआ गोबां अखा हाबावगोन होन्ना सांग्राथि होदों आरो सोलिफु दानआ जोबजासिम गोखों बारहुंखा फैबावनो हागौ होन्नाबो बुंदों। चीननि मिडिया बायदिब्ला, ग्लांड राडज्योआव दै बानाया जागासिनो, जायनि जाहोनाव 1,10,00 निबो बांसिन सुबुंफोरखौ गुबुन रैखाथि जायगायाव बोस्लायलानाय जादों। थानाय 16 एप्रिलनिफ्रायनो खोला चीनआव थाद 'नाय गैयै अखा हानायजों गुआंडंआ गात्रियै भुगिनादों।

Format C-2							
Declaration about criminal antecedents of candidates set up by the party							
(As per the judgment dated 25th September, 2018, of Hon'ble Supreme Court in WP (Civil) No. 536 of 2011(Public Interest Foundation & Ors. Vs. Union of India & Anr.)							
Name and Political Party: United People's Party Liberal							
Name of Election: General Elections to the Lok Sabha, 2024							
Name of State/UT: Assam							
1	2	3	4	5			
Sl. No.	Name of constituency	Name of candidate	(A) Pending criminal cases	(B) Details about cases of conviction for criminal offences			
			Name of Court, case No. & status of the case(s)	Sections of the Acts concerned & brief description of offence (s)	Name of Court & date(s) of orders (s)	Description of offence (s) & punishment imposed	Maximum punishment imposed
1	No. 1 Kokrajhar (ST) Lok Sabha Constituency	JOYANTA BASUMATARY	CJM, Kajalgaon, Chirang, Sidli P.S Case No. 03/2023 dated 30/01/2023 The final report of the case is submitted by the concerned investigation officer on mistake of fact vide FR No. 03/2024 dated 12/04/2024	U/S 323, 294 OF IPC, voluntarily causing hurt/Obscene songs.	Not applicable	Not applicable	Not applicable

गाहाइ मन्थि मदिया बेलगावीनि गिबि सुबुं गौमायाव बाहागो लागोन

गोदान दिल्ली, 28 एप्रिल : गाहाइ मन्थि नरेन्द्र मदिया रबिबारखालि सा कर्नाटक ओन्सोलनि बेलगावी, उत्तर कन्नड, दावणगेरे आरो बल्लीरीयाव मोनब्रे रेलिफोरखौ सोमोन्दो लाखिगोन। सा कर्नाटक ओन्सोलाव भटफोरखौ गोखौं खालामनो बिजेपि राइज्यो आफादन नाजानायफोरखौ गोखौं खालामनो थाखाय पिएम मदिया राइज्योयारि रेलिफोरखौ सोमोन्दो लाखिगोन। निउज एजेन्सि एनएनआईनि बायदिब्ला, लक सभा बिसायख'थि फोसावदिनि थाखाय शनिबार हराव कुन्दनगरी बेलगाम सौहेनाय गाहाइ मन्थिखौ आगुनि गिबि मन्थि जगदिश शेड्दर आरो गुबुन मान गोनां सुबुंफोर बरायो। सुलुंनि बायदिब्ला, कर्नाटकनि मोन 28 मासिफोरनि गेजेराव मोन 14 लक सभा मासिफोरव शुकबारखालि भट जायो। गुबुन मोन 14 मासिफोर जेराव 7 मेयाव भट जागोन। बेयाव बागलकट, बेलगाम, बिदर, बिजापुर, चिक्कडी, दावणगेरे, धाखाड, कालाबुरागी, हावेरी, बल्लारी, काप्पल, रायचुर, शिमगा



आरो सा कन्नड मासिफोरा दंफायो। कर्नाटकयाव लक सभा बिसायख'थियाव बिजेपिया जेब्लाबो गाजा-गोमजाये धर्ना खालामो। बेयो खेलानि दरसेल' राइज्यो, जेराव, बिजेपिया गोखौं जानाने दड। थानाय 2019 नि बिसायख'थियाव पार्टीया राइज्योनि मोन 28 मासिफोरनि गेजेराव मोन 25 मासिफोरव गावसोरल' देरहादोंमोन। कंग्रेस मोनसे मासि देरहायो। बेबायदियाव जेराव बिजेपिनि सिगाडाव आरोबाव खेबसे थानाय बिसायख'थि बायदि धर्ना खालामनाया सेलेन्स गोनां। बेराफारसे, कंग्रेसआ

गावसोरनि गोहोखौ रैखा खालामनो नाजानायव नंथाबदों। कर्नाटकआव जुदि वक्कालिगा आरो लिंगायत फोलेरनि मोनसे जौसाडाव फे योब्ला बेयो कर्नाटकनि राजखान्थियाव सोलाय-सोल' खालामनायाव जाफुसारनो हायो। बिधान सभा बिसायख'थियाव बिजेपिया गोबां जेनाजों धुगिनाडे। मख'नो गोनांदि, थामथि खोलोबनि बिसायख'थिया फेगौ 7 मेयाव दर 12 राइज्योफोर आरो मिरुजों खुंजानाय राइज्योफोरनि मोन 94 फि सायख'थिया रिर ओन्सोलफोरव भट जागोन आरो बेनि फिथाइखौ फेगौ 2 जुनआव फोसावनाय जागोन।

इम्फल, 28 एप्रिल: भारतयारि बिसायख'थि आयगआ मनिपुरनि बाहरी मनिपुर लकसभा बियाबनि मोन 6 भट मिरुफोराव फिन भट खुंफिन्नी थांखि लादों। बे गासैबो मिरुफोराव नैथि खोलोबआव एबा 26 एप्रिलखालि भट सोनाय जादोंमोन। नाथाय हिंसानि जाहोनाव बिसायख'थि आयगआ बे सानाव जानाय भट सोनायखौ गनायजायै होन्नानै फोसावदों। बेनिखायनो फेगौ 30 एप्रिलआव मोन 6 भट मिरुफोराव फिन भट सोनाय जागोन। बेनि उनाव थामथि खोलोबनि बिसायख'थिआ 7 मे आव जागोन। मख'जाथावदि, मनिपुरआव मैतेइ आरो कुकी हारिनि गेजेराव जेनाया जोबनानै थाडे'आव सम-सम हिंसायारि जाथायफोरखौ नुनो मोनगासिनो। बेनि जाहोनाव राइज्योआव भट खुंफुनायाव बिसायख'थि आयगआ गोबां जेनाजों मोगा-मोगि जानांदों। मख'जाथावदि, मनिपुरआव



मोननै लकसभा बियाब दड, जेराव 12 साननि गेजेरावको खेब 4 भट सोनाय जासिगोन। गिबि खेब मनिपुरआव 19 एप्रिलखालि भट सोनाय जादोंमोन। बेनि उनाव मोन 11 बुथआव 22 एप्रिलखालि फिन भट जायो। बेनि उनाव 26

एप्रिलखालि नैथि खोलोबनि भट जायो आरो 30 एप्रिलखालिबो बैयावनि मोन 6 पलिं बुथफोराव भट जागोन। जेराव फुनि 7.00 रिगानिफ्राय बेलासिनि 4.00 रिगानिसिम भटखौ हैंनो हागोन। मनिपुरआव कुकी आरो मैतेइ

हारिनि गेजेराव थानाय बोसोराव गोखौं हिंसायारि दाड-बाजि जादोंमोन। बेनि गोहोमआ दासिमबो आबुडे'जोबलाडाखे। बिसायख'थि आयगआ बेखौ नोजोर होन्नानै बाहरी मनिपुर बियाबआव मोननै खोलोबआव भट खुंनयनि तांखि लादोंमोन।

बेयो हादरनि मोनसेल' लकसभा बियाबमोन, जेराव मोननै खोलोबआव बिसायख'थि खुंनगौमोन। अदेबानि 19 एप्रिलखालिनि गिबि खोलोबनि भट सोनायावनो गोखौं हिंसा जायो आरो बिसायख'थि आयगआ इंसि मनिपुरनि मोन 11 बुथफोराव फिन बिसायख'थि खुंफिन्नाडे। बेनि उनाव बाहरी मनिपुरआवबो बिसायख'थि जायो आरो बेयावबो हिंसानि जाथायखौ नुनो मोनो। बेयाव इभिएमखौ बुफाय-बुसि खालामनाय जायो आरो भटारफोरखौ हुमखि होनायनि भिडिअबो सोराडव फेयो। बेनि जाहोनाव बैयाव फिन बिसायख'थि खुंफिन्नी थांखि लानाय जायो।

बिहारजों लोगोसे माखासे राइज्योफोराव दुंखावनायनि एलार्ट

गोदान दिल्ली, 28 एप्रिल : भारतनि गुबुन गुबुन बाहागोफोराव बोथोरा गोखेयै सोलायागसिनो दड। बबेबा ओन्सोलाव अखाया रेहाय होदों। बेनि गेजेरजों बोथोर बिफाना आरोबाव खेबसे दुंखावनायनि एलार्ट फोसावदों। बोथोर बिफानाआ 30 एप्रिलसिमाव हादरनि सान्जा आरो खोला ओन्सोलफोराव गिखंथाव गरमनि एलार्ट फोसावदों। बिफाननि बायदिब्ला 30 एप्रिलनिफ्राय गंगानि बोरियारि सोनाब बंगनि माखासे जायगाफोर, उरिथ्यान माखासे बाहागोफोर आरो लेडाइ हिमाचलनि सोनाब बंगनि आलादा-आलादा ओन्सोलफोराव दुंखावनायखौ लानानै दुंखावनायनि थासारि सोमजिनो हागौ। फेगौ सानब्रेनि गेजेराव बिहार, झारखान्ड, तेलंगाना, रायलसिमा, कर्नाटक, तामिलनाडु, सान्जा उत्तर प्रदेशनि आलादा-आलादा ओन्सोलफोराव दुंखावनाय थासारि सोमजिनो हागौ। दिनैनिफ्राय 29 एप्रिलसिमाव कनकण, गवा आरो 28-30 एप्रिलसिमाव सोनाब उत्तर प्रदेश, बोरियारि अन्ध प्रदेश आरो यमनआवबो बेबायदिनो बोथोरा सोलिनो हागौ। झारखान्डनि



बांसिन बाहागोयाव बिदुड 40 डिग्रि सेल्सियासनि बांसिनाव थानो हागौ। बेरा फारसे, दिनै पान्जाव, हारियाणा, चन्दिगड-दिल्लीयाव बारहुंखाजों लोगोसे अखा हानो हागौ। फारसेथि मोनसे गोदान सोनाबारि नारसिन्थाइनि गोहोमजों राजस्ताननि माखासे बाहागोयाव बारहुंखा आरो अखाखौ नुनो मोन्दों। बिफाननि बायदिब्ला बे समाव

बांसिन अखाखौ जयपुरनि चाकसुआव 21 मिलिमिटर आरो बिकानेरनि डुंगराडआव 4 मिलिमिटर देखानो मोन्नाय जादों। बेनि गेजेरजों फेगौ 5-6 साननि गेजेराव बांसिन बाहागोफोराव बोथोरा गोजेनै थागोन। आरोबाव मोनसे लोरां सोनाबारि नारसिन्थाइनि खवसे गोहोमजों फेगौ 29-30 एप्रिलआव जधपुर, बिकानेर संभागनि माखासे

बाहागोफोराव घन्टयाव 25-30 किल'मिटरनि गोखे बार बारनो हागौ। फेगौ साननैनि गेजेराव सोनाब हिमालयनि माखासे जायगाफोराव गेजेर थाखौनि अखा आरो बरफ गोलेनो हागौ। अरुनाचल आरो जम्मु-काश्मीरजों लोगोसे हिमाचल प्रदेशनि माखासे बाहागोफोराव गोबां अखा आरो बरफ गोलेनो हागौ होन्ना बोथोर बिफानआ फोरमायदों।

व्हीस्क बानायग्रा कम्पनीया गासै रिकर्डस्वो सिमफायदों

गोदान दिल्ली, 28 एप्रिल : व्हीस्क बानायग्रा कम्पनीया इन्भेस्टमेन्ट खालामग्राफोरनि रांखान्थिखौ डाबल खालामना होयो। बेरा फारसे, जुदि बोसोर सिगांनि चार्टखौ नायोब्ला बे स्टकआ बोसोरनाडे 1180 जौखोन्देनि रिटर्न होयो। बे कम्पनीनि मुज पिकाडिडि एग इन्डास्ट्रीज लिमिटेड। बे कम्पनीया इन्दी व्हीस्क बानायो। पिकाडिडि एग इन्डास्ट्रीज लिमिटेडनि शेयारफोरा दिनैबो 5 जौखोन्देनि बांसिन सार्किटजों लोगोसे ट्रेड खालामग्रासिनो दड। दिनैनि अपार सार्किटनि उनाव कम्पनीनि स्टकआ 605.25 नि लेभेलाव सौहैयो। जुदि थानाय 5 सानफोरनि चार्टखौ नायोब्ला बे समाव पिकाडिडि एग्रनि शेयारा 21.54 जौखोन्दो बांहोयो। 5 साननि सिगां बे



कम्पनीनि शेयारा 498 रंनि लेभेलावमोन। बेरा फारसे, थानाय 1 दानाव शेयाराव गोबां बांनयखौ नुनो मोन्दों। 26 मार्चआव बे कम्पनीनि शेयारा 300 रंनि लेभेलावमोन। दानसेनि गेजेराव बे स्टकआ इन्भेस्टमेन्ट खालामग्राफोरनो 101.41 जौखोन्देनि रिटर्न होदों। जुदि सासे इन्भेस्टमेन्ट खालामग्राफोरा 1 दाननि सिगां बे शेराव 1 लाख रं लागायोब्ला बेयो 2 लाख रं जायो एबा दानसेनि गेजेरावनो

नोंथानि राडा डाबल जायो। वाइटिडियाव बे शेयारा इन्भेस्टमेन्ट खालामग्राफोरा दासिमाव 122.44 जौखोन्देनि रिटर्न होदों। जुदि बोसोरसे सिगांनि चार्टखौ नोजोर होयोब्ला पिकाडिडि एग इन्डास्ट्रीजनि लिमिटेडनि शेयारा इन्भेस्टमेन्ट खालामग्राफोरनो 1,180,14 जौखोन्देनि रिटर्न होदों। 2023 नि एप्रिलआव बे शेयारनि बेसेना 47 रंनि लेभेलावमोन। बोसोरसेनि गेजेराव बे शेयारा 557.97 रं बांदों।

उरिथ्याआव बिजेडिनि माखासे दैदेनगिरि आरो मावसुमाफोरा बिजेपियाव हाबदों

अंगुल, 28 एप्रिल : लक सभा बिसायख'थिनि गेजेरजों उरिथ्याआव बिजप जनता दल (बिजेडि) नि माखासे दैदेनगिरिफोर आरो मावसुमाफोरा बिजेपियाव हाबो। मिरुआरि मन्थि आरो संबलपुरनिफ्राय बिजेपिनि लक सभा बिजाथि धर्मेन्द्र प्रधान। थानायव बे दैदेनगिरिफोरा बिजेपियाव हाबो। बे समाव धर्मेन्द्र प्रधानआ बुजेदि, सुबुंफोरनि गेजेराव गाहाइ मन्थि नरेन्द्र मदिनि फारसे फोथायनाया बांबाय। बेनिखायनो गुबुन दोलोफोरनि सोदोमा आरो दैदेनगिरिफोरा बिजेपियाव हाबनासिनो दड। बिथाडा बुडे, उरिथ्याआ सोलायनायनि फारसे आवगायगासिनो दड आरो बेनिखायनो बिजेडि आरो गुबुन दोलोफोरनि सुबुंफोरा बिजेपियाव हाबनासिनो दड। मानोना मदिनि फारसे सुबुंफोरनि फोथायनाया बांगासिनो दड। जायगानि



दैदेनगिरिफोरा आथिखालाव अरयथा नड आरो बेनिखायनो उनि दर्जाजों न'आव हाबनो नाजगासिनो दड। अदेबानि सुबुंफोरा बै दैदेनगिरिफोरजों जेनायाव गोलेदों, जायफोरा राइज्योनि जोगाखानायनि थाखाय खामानि मावयाखे। नाथाय गेना-खान्थि खालामदों। गाहाइ मन्थिया गावनि बिसायख'थि

फोसावदिनि समाव पल्लाहारा बिधान सभा ओन्सोलावबो दावबायदों। बे समाव बिथाडा गंसे सा गलायावबो थाना साहा लोडे आरो जायगानि सुबुंफोरजों सावरयो। सुनुडव फोसमायनाय बायदिब्ला, सम्बलपुर लक सभा ओन्सोलनिफ्राय बिजेपिनि बिजाथि धर्मेन्द्र प्रधानआ 15 बोसोरनि उनाव बिसायख'थि गेलेदों। संबलपुराव फेगौ 25

मेयाव भट जागोन। उरिथ्याआव बिधान सभा आरो लक सभा बिसायख'थि लोगोसे मोनब्रे खोलोबाव बिसायख'थि जागोन। गिबि खोलोबा 13 मेयाव, नैथि खोलोबा 20 मे, थामथि खोलोबा 25 मेयाव आरो जोबथा खोलोबा 1 जुनाव जागोन। बिसायख'थिनि फिथाइखौ 4 जुनआव फोसावनाय जागोन।

आमेरिकायाव फिलिस्ताइनखौ होफाजाव होन्नानै फरायसाफोरनि धर्ना होनायाव फोरोंगिरिफोराबो लोगो लाफादों

निउयर्क, 28 एप्रिल: गाजायाव इज्राइलनि गाग्लोबनायनि हेँथायै धर्ना होगोसिनो थानाय इडनिभासिटिनि फरायसाफोरजों बेनि फोरोंगिरिफोराबो बाहागो लाफाबाय। गोबां इडनिभासिटि आरो फरायसालिमाफोराव फोरोंगिरिफोरा फसंथान सिंआव पुलिस लिंहरनायनि थाखाय फसंथान खुंथाइखौ सोंखारिदों। आमेरिकानि सोलेंथाइ फ सं थान फोरारिव फिलिस्ताइनफोरखौ हेफाजाव होग्राफोरनि धर्ना होनाया बांसिन जाबोनो हमदों। माखासे इडनिभासिटिफोर आरो फरायसालिफोरव धर्ना होनायखौ सांथि हान्जा लिंहरना होबथानो नाजानाय आरो गोबां फरायसाफोरखौ हमनायनि उनाव फसंथानफोरनि खुंथाइआ फरायफोरजों सावरयनो सिमान जादों। निउयर्कनि गोबां फसंथानफोरा फरायसाफोरनि धर्नाखौ फोजोबनो थाखाय सावरयनो थांखिखौ आजवदों।



मख'जाथावदि, गाजायाव इज्राइलनि गाग्लोबनायाव थैनायफोरनि अन्जमाया बांबोनायजों लोगोसे आमेरिकायाव इज्राइलनो मदत होनायखौ होबथानो आरो बिनो हरनाय मदतनि रीदायखे सिमफायनांगौनिबो गोखौं दाबि दैखादों। शनिबारखालि बस्ताननि इस्टर्न इडनिभासिटियाव सोलिबाय थानाय धर्ना आरो सोमावसारनायखौ बोखारनो पुलिसआ

बेइजिं, 28 एप्रिल : चीनआ पाकिस्ताननि थाखाय 8 हंगर-क्लास साबमेरिनफोरनि गेजेराव गिबि खेब ट्राइल खालामो। बे गोदान मुगानि दावहारु जाहाजआ पाकिस्ताननि नेभिखौ गोखौं खालामगोन आरो चीन-पाकिस्ताननि गेजेराव बांनय सांथियारि हेफाजाबखौ दिन्थियो। बे लन्च जथुमायाव पाकिस्ताननि नेभि गाहाइ एडमिरेल नभिद अशरफआबो दंफायोमोन। नंयुबैयाव चीनआ

शुकबारखालि पाकिस्ताननि थाखाय बानायबाय थानाय गं 8 गोदान मुगानि हेगर थाखौनि साबमेरिनफोरनि गेजेराव गिबि साबमेरिनखौ लन्च खालामो। बे लन्चआ चीन आरो पाकिस्ताननि गेजेराव जानाय मोनसे रादायनि बाहागो, जायनि गेजेरजों चीनआ पाकिस्ताननो गोदान मुगानि टेक्निकजों लेस जानाय मोन 8 साबमेरिनफोरखौ होनो राजि जादोंमोन। चीनआ गासै गं



हेगर थाखौनि साबमेरिनफोरखौ पाकिस्ताननो होगोन, जायफोरनि गेजेराव गंभेखौ चीननि भुहान

शिपबिल्डि इन्डास्ट्री ग्रुप (डाब्लिउ एसआरजि) आ बानायगोन आरो गुबुन गंभेखौ

पाकिस्ताननि कराची शिपयार्ड एन्ड इन्जिनियारि वक्सआ बानायगोन। बेयो मोनसे रादायनि बाहागो, जायनि गेजेरजों चीनआ पाकिस्ताननो गोदान मुगानि टेक्नीक फोरोंगोन। साबमेरिनफोरा गोदान मुगानि हाथियारफोर आरो सन्सुरफोरजों लेस जागोन आरो सुधुरफोरनिफ्राय रैखा खालामनानै गोजाननिफ्रायनो बिसोरनि सायाव गाग्लोबनो हागोन। पाकिस्ताननि नेभि


गाहाइया बे जथुमायाव बिबुंथि होदों आरो लैथोमायारि रैखाथिखौ मख'जाथावयै फोरमायदों। बिनि सिगां फेबुवारी दानाव पाकिस्तानआ कराचि शिपयार्ड एन्ड इन्जिनियारि वक्सआव गं 6 हेगर थाखौनि साबमेरिन खालामनायखौ जागायदोंमोन। मख'नो गोनांदि, चीनआ पाकिस्ताननि खाथि सोमोन्दो गोनां लोगो आरो दरनै हादतफोरा हाथियारफोरखौ लानाय-लाबोलाय खालामो।

हाजोनि रानि मुसौरिआव मोनसे समाव भारतीयफोरखौ हाबहोयामोन

सा भारतनि हाजोफोरनि रानि मुडै मिबथिसारजानाय मुसौरिआ उत्तरखान्डनि बयनिखुडबो बांसिन दावबायारिफोर थांग्रा हिल स्टेशन। गोलोम बोथोर एबा गोजांनायानो जायामानो गोबां अन्जिमानि दावबायारिफोर बेयाव थाडे आरो बैयावनि समाइना हाजोफोरनि गोजोन्नाय लायो। नाथाय मोनसे औरैबायदि समबो दंमोन, जेराव बेरायदिहेनाया गोजान बेनि खाथि-खालायावबो थांहोनाय जायामोन भारतनि नोगोरारिफोरखौ। नाथाय मानो



बिबिदमोन? बेनि माखासे मिबथिनो गोनां बाश्राफोरखौ दिने मिबथिनो मोनगोन। मुसौरिजो लोब्बा गोनां बाश्राफोरा जादो- 1. गुबैयै बे जायगाखौ इंगजफोर जागाहोदो। जारिमिनगिरिफोरनि बायदिब्ला, 1823 माइथायाव ब्रिटिस अफिसर एफजे शरआ बे जायगायाव हाजो गाखोलानाय समाव सौहेदोमोन। बियो मुसौरिनि नुथाइखौ नुनानै सोमोनांदोमोन आरो बेयाव मैहु खालामनो थाखाय गंसे न'सा न' लुहोदोमोन। बिथाड बेयाव थाब-थाब बेरायदि



हैयोमोन। माखासे सम उनाव इंगजफोर बेयाव जिरायनो भवन लुयो। बेनिफ्राय 1828 आव लन्दौर बाजार खालामो आरो 1829 आव बेयाव गिबि खेब गला खुलिनाय जायो आरो 1926-31



माइथायसिमाव मुसौरिया जोगाखांबोयो। 2. इंगज खुथाइनि समाव बे हिल स्टेशननि मल र'डआव गिदिर गिदिर हांखोजो 'Indians and dogs not allowed' लिनाय दंमोन। बेखो बयनिखुडबो सिगां पन्डित मतिलाल नेहरूआ अजद होदोमोन। बिथाड बे नेम-खाथिखौ सिमफायो आरो बेयाव बेरायनो थाडे। मुसौरि मुनि हाग्रानि थाखायनो बेनि मुंखो मुसौरि दोन्नाय जादो। बे हाग्राया ब हाजोयाववो बयनिखुडबो बांसिन रज'यो।



3. मुसौरियाव माब्लाबा दावबायनो थाडेब्ला लाल टिब्बआव थांनाया गोनांथार। बे टिब्बया 2,290 मिटर हाजो गोजौआव दड। बेनिफ्राय मुसौरिनि समाइना नुथाइखौ आबुडै नुनो मोनो। 4. मुसौरिजो लोब्बा थांनाय मोनसेबाव बाश्रा दड, बेयाव गान हिलबो दंमोन। बेनि गोजौ थिखिनियाव गंसे सिलाइ दंमोन। बे सिलाइजो सानफ्रोमबो सानजौफु 12 रिंगायाव फायरि खालामनाय जायोमोन, जायजो सुबुंफोरा घडीनि समखौ गोरबहोनानै लानो हायोमोन। उनाव बे सिलाइखौ बोखारनाय जायो।

सेरजानि देखो

बै नुहरहायै
बेसेबांवा गोजान
नुनो मोनै खोनानो मोनै
बै लैथोमा सेरनि
अरन बारियाव।
सोर आयजोआ
सेरजानि देखोजो
आंनि गोसोखौ
रिसार होखो आंखौ,
बिहा मा गोमाखो
मा जाथाय जाखो
सोर दुखु गोनां गावनि
जाथायफोरखौ सेरजानि
देखोजो फोरमायदो
रैसुमै गारांजो।
नुस हायै खोनानो मोनै
अरन बारियाव आंनि
गोसोखौ खामगिलहोखो
सेरजानि देखोजो।

मुसि थनिजा ब्रह्म
गामि- डालवाबादि
जिला- कक्राझार बि टि सि (आसाम)।

हाबिला

नै अनसुली रजे फांदां
नॉनि समाइना महराव आं
गोजावबाय दाहाजो लोयो
मोनैयाव रुंगु हँर फारसे।
रंगिना संगिना बिबार बारियाव
नॉदि बारसेल बिबार गोबोनि
जागोनदा नो आंनि अनसुलि रजे
थैस थांस अराय समनि।
नोखौ लानानै सुजु दंमोन
दोसे समाइना रमाइना बिबारनि माला
नाजावगोनदा नो आंनि
सुजुनाय बिबारनि मालाखौ।
गोजोन जागोन आंनि जिउआ
होफेयोबोला रजे नॉनि
अन्नायनि थरथिसे थै
रानलानाय सोलेराव आंनि

मुश्री माधब बर'
ला:सो:- 3 नं दिहिरा,
जिला- बागसा बि टि सि आसाम

फैमाल थांबाय

फैमाल थांबाय आं आरो
नॉनि मोजां मोन्नाया।
जाथाय गावखौनो गाव आं
जेबो बुजिनो हायाखिसै,
नाथाय नॉदि आंखौ
जोबोर मोजां मोनदंमोन।
नाथाय आं नॉनो अन्नाय
आरो मोजां मोन्नायखौ
नॉनोने होजोबबायमोन।
नाथाय नो आंखौ
नागारनायाव आं
जोबोर दुखुबो जादो।
नाथाय आंखौ दा नो
हास्थायब्लाबो मोन्नाय
नंला नाथाय दा आंनो
रावखौबो नाला नोजो
गारजानायनि जुनै सना।
नाथाय नो आंखौ
गारनायाव पाप नांबाय।
आरो नो आंनि लाइजामाव
इन फजिबोल लिर्नायाव
आं गावबो ओंखारदो।

दैदेन ब्रह्म
गामि- कफरागाव

गोजां बोथोर

गोदान सल' लानानै
गोजां बोथोरा फैबाय,
सोरबाया गोजानायजो
मोदोम थोर थोर मावदो
सोरबाया सानुं सायनानै
गाव गावनि मोदोमखौ गुदुं खालामदो।
गोजां बोथोराव सानुंखौ जोबोर मोजां मोनो
अरखौ गोदै बायदि मोनो।
गोजां बोथोराव देखौ गियो
अरआव बारसोमनो गोसो जायो।
सानआ माब्ला ओंखारो,
माब्ला हाबलाडे बेखौ रावबो मिथि स्लाबा।
गोजां बोथोरा फैबाय
बेसेबां दि समायना गाव लाबोफादो।
गिजि गबल' सि गान्नाय
हाउरीया मानसिया हान्थुनि गेजेराव
गावनि खर'खौ एरसोयो।
दुखुथिया हाउरीया खामला मावग्राफोरा
सिबाय सानफा मोन हाबा मावो
न' आव फैबा सिबाय उदै बुंजासे

रंजालि गथ'फोरनि सौरा

आं अरायबो नोखौनो नेगोन

आं अरायबो नोखौनो नेगोन
सोथिया सोथियैनो थागोन,
फिननायखौ अरायबो नेगोन
साननाया आंनि नॉनिनो जागोन।

सुबुंनि हास्थायनाय जोबनो रोड
जिउयाव गोनांनयाबो जोबनो रोड,
मिथिंगानि सोरजिथायाबो जोबनाय नड
आंनि नोखौ अननायाबो जोबनाय नड।

गोरोनथि जाबाय आंनिनो
निमाहा होनांगोन नोने,
आं जे जाबाय जाबायसे
सुबुंनि धोरम नो लाखिदो।

सिरि सिरि बेसेबांवा गोबावनिफ्राय
लुफावनानै होखोमादोमोन गोथार अननाय गोरबोनिफ्राय,
नाथाय बेसेबांवा गिदिर जिउनि गोजोनाय
जोबफैबाय नो मिथिनाय लोयो लोयोने।

सासे सेथो सुबुं महरै नोबो
गोजोन अननाय होफिनदो आंनोबो
नॉनि गोदे राव, गोसोजो नडब्लाबो
नॉनि समायना मिनिस्तु महरजोने।

-ज्योतिष मुड्डाहारि
जनता फरायसालिमा, सेरफांगुरि

अखां गोरबोनि

दे जानांगो बिदिनो
आरोबाव बाराय आगान
बिदि बोसोन होयो जाय
अखां गोरबोनि

-रैदोम बर', बाक्सा

बेलासि समाव

बेसेबा मोजां, बेसेबा समायना
बेलासि सम
बेलासि समनि समाव आं जेब्ला
गसायखौ खुलुमो।
अब्ला आंनि बिखा बिखलो गोथार
सान्नाय लाना गोजोनो
बेसे गोथौ बेसे दाहार दसेनो आरो
दुखुनि बोहैथिया सुमंलाडे।
दानदिसे सम ईसोरखौ खुलुमोब्ला
गियाननि गुथाल सौदावफैयो
ईसोर मानसिनि गोजोना बेसे एसे
नाथाय दुखुआ बांसिन।
बेलासि समाव आंनि गोसोआ
रंजानायजो बाजल' यो।
जेब्ला ईसोरनि महरखौ गोसोजो
आं नागिरना खुलुमो...
अब्ला नागिरो गियाननि लामायाव
आगान सुरनो।
नाथाय दं गोबां सौदाव- सौसि
बेनो गोसोखौ हमाथायो।
आं मोनथियो गोसोआ जोबोर दुस्त'
बेखौ नडब्ला बैखौ।
बेनिखायनो ईसोर नो आंनि जीउआव
गोथार गियाननि बोर सासि
दानि जुगाव गावजो-गाव सिनाया
हे-ईसोर।
दानि समाव रावबो फोथाया,गाजनि
लामायाव आगान सुरनाय।
बे आंनि जीउनि बेलासि समाव जेब्ला
आं ईसोर नोखौ फुजियो.....
आंनो गियान हरो नोसोर आफा-आइ
आंखौ बुजाय दानदिसे सम।
बे आंनि थार साबसिन जीउनि
समायना बेलासियाव
जेब्ला गोसोआ गियाननि गोजोन बार
हाबफैयो अब्ला
दसे सम गियाननि लामा थाबायना
मानो थाथ'फिनो आंनि गोसो।

दुथां ब्रह्म
कक'राझार।

ओंखामखौनो मोनजाया
खालि बेहा थानो दड'डेर न' ख'नासे।

श्री दिनेस बसुमतारी
ला:सो:-रुनी काता
जिला- ककराझार बि टि सि आसाम

सिरिजाहार

तरेण बर'

मोना बिलियाव एखनबा थरसे अखाफोर जोडे,
एखनबा सिरियै जना थायो निजोम हराव
बोहैसननाय दैमा खंसे बायदि।

गोबां सल%बाथाया फाननानै दोनो मोनायाव,
हांजो आवलिनाय गोबाव जानाय
बिखानि जेब्लावरियाव,
मा मुं होनो हायो बै मोनाबिलिखौ?

जाय मोनायाव गोबानाय आरो खुदुमनाय
दानाय बिलिरनायाव
गोमागोन दैमाया गावनि थामोनथा।
मोनाबिलिफ्राव अननाय थायो
थायो गोजाम थासारनि साया
सौग्रावनाय।

साजायनाय सिमां एबा लुबैनायनि
रायज्जलायबायनाया दिने
सिमांजो।
सिमांआ बुंबाय,
नोखौ नायगिरनायनि
बियो मंगलिनारनि बाश्रा।

थेउबो,
नुदो दिनेबो
बाननानै गिदिदो
नोखौ खाथियाव मोननो
गोबां मिजिथिनो
जिउनि सिरिजाहार बुब्लजो!!!

गियाननि जेलावरि

आसामनि गोथां हानि बिखायाव जोनोम
मोनसे जौथि लामा दिन्थिया आखाइनि।
गुरुदेब कालिचरण ब्रह्म बिथानि मुं
गियाननि मोनसे नेरसोननि गोथार अर।

गोथौ अननाय आरो गोथार गोसोजो
बियो मिजि जाखांहोदोमोन मोनसे रोखा नुथायनि,
बर'नि नोरोम अन्नायखौ बोजबनायाव
जोथोन खालामदोमोन मोनसे गोथार जायगायाव।

सोमखोर हायेननि गेजेरजो
आरो गोजौ हाजोमानि साजो
बिनि सोदोबफ्रा रिखांदोमोन
जेन' सोरानि थसे बनजार।

सोरांखौ जोथोन लाखिना
गियानखौ मान होनो थाखाय,
बिथाड अरायनि थाखाय
लामाखौ दिन्थिदोमोन गियाननि फोथाराव।

मोनफ्रोमबो मुहुरथआव
बिनि बुंथिनि मोनफ्रोम बोहैथियाव
बिथानि नुजाथिनायाव मोन्दांदोमोन
मोनसे जोबनो गैयै गोथार सिमां।

-कुमार बसुमतारि
लखिमपुर

जांखिथाय

आय' ! मा इसि दुखु
नांथाव जांखिथाय बेलाय।
नाजादोमोन नो बर'हारिनि
गुलाय गुजायखौ साखालामनो,
नाजादोमोन नो गावनि जिउखौ
बावनानै बरनि बडलेण्डखौ
मोकथाइव लाबोने।
आखायाव थसेल' जौनाय
बनजार लानानै सिगांदोमोन नो
बर हादर आरो हारिनि लामा
दिन्थिनो।
नाथाय हायाखिसै नो माखासे
सिनाय मोनै उदखारि फोरनि
आखायाव आस'खान्दा जिउ
गारलांबाय।
हायाखिसै नो बर हारिनि
बडलेण्ड सोरजिनानै होलांनो,।
नेरसोन थाबाय सनानि हांखोजो
नॉनि मुड बड'लेण्ड
जांखि थांनायाव।

श्री समेन नाजारी
ला:सो:- फाटगाव
जिला- ककराझार बि टि सि आसाम

(1 विलाडिफ्राय)

फकिराग्रामआव एनडिएनि बिजाथि जयन्त बसुमतारिनि जानानै गिबि मन्थिआ फोसावदिंदों

बिथाडबो इडपिपिएलिन आफादगिरि आरो बिटिसिनि गाहाइ मावफुं सोद्रोमा प्रमद बर', मावफुं सोद्रोमा अरुप कुमार दे आरो बिजेपिनि माखासे दैदेनगिरिफोरजों मोसाबाय थानाय समावनो रोजा अखा हायो। अखा हानायनि गेजेरावनो गिबि मन्थि हिमन्त बिश्व शर्माआ गावनि बिबुंधियाय बायनाय आखाइया खामानि गैया, नांगोलनि बेसेन गैया बायदि बिबुंधि होनानै हाग्रामा महिलारी दैदेनाय बिपिएफ दोलोखौं गोखों रवजों सॉखारियो। बिथाड गावनि बिबुंधियाय रेसन कार्ड गोनां नख'रनो अरुनदय होनायनि खोथा होनायजों लोगोसे कलेजाव मुंथिसन्नाय फरायसुलिफोरनि एकाउन्टआव 10 रोजा रां आरो लाखपटि आब'नि एकाउन्टआव 10 रोजा राडै हागोन होनानै फोसावो। बिथाड फकिराग्रामआव रेलवे अभाऱब्रिज, फकिराग्राम रेल स्टेसनय माखासे रेल लाखिनाय लाखिनाय आरो फकिराग्रामनि लामा-दालां फोजौखानो खोथा होनानै राइजो-राजाफोरखौं एनडिएनि बिजाथि जयन्त बसुमतारिनो भट होनानै देरहासार होनो थाखाय बिथाड खालायहरो। बिथाड फकिराग्रामआव फिन 50 रोजा साखि हागोन होना फोसावनानै राइजो-राजाफोरनि खाबुनि थाखाय बिथाड गासैबो रोखोनि खामानि मावनो थियारि होनानै फोरमायो। गुबुन फार्सेथिं खौरां बिजोनि सिगाडव गिबि मन्थि शर्माआ फकिराग्रामनि राइजो-राजाफोरा अखायाव बिथांजों फिन खेबसेबाव मदि सरकार मेथाइव मोसानाय आरो गावनि बिबुंधि खोनासंनयनि थाखाय साबायख'र जासिनानै बिथाडा बुडोदि, फकिराग्रामनि राइजो-राजाफोरा थामथि खेबनि थाखाय नरेन्द्र मदिखौं गाहाइ मन्थि महरै नागिरिफोर्नो आरो कक्राझार लक सभा बियाबनि बिजाथि जयन्त बसुमतारिखौं एमपि महरै नागिरिदों। बिथाडा जुथाय हान्जानि बिजाथि जयन्त बसुमतारिआ 3 लाखनिबो बांसिन भटजों देरहागोन होनानै दाबि खालामो। बिथाडा दर-उदालगुरिआव 4 लाख भटजों देरहागोन होना दाबि खालामनानै बिजेपिनि सायाव 100 जौखोन्दो आइजोफोरनि बोर दड' आरो आइजोफोरा हौवाफोरखौं बिजेपिनो भट होनो गोनां खालामदों होनानै फोरमायो। बिथाड मोन 12 मासिफोरखौं मोनगोन होना फोरमायनानै मोननै मासिनि ताखाय गोखों जुजिलायनाय जागोन होनानैबो गिबि मन्थिआ फोरमायो।

सालवारियाव कक्राझार लक सभा बियाबनि बिपिएफनि बिजाथि

खाम्फा बरगयारीनि बिसायख'थियारि फोसावदिनाय हाबाफारि

मावखुलिनि लांगोनायाव खुंनय फोसावदिनाय मेलाव बाहागो लानानै बिपिएफनि बिजाथि खाम्फा बरगयारीआ खौरां बिजोनि सिगाडव बुडोदि, कक्राझार लक सभा बियाबाव फारफोमबो दिगआव नांगोन हान्जा जादों। मोनफ्रोमबो समावनो कक्राझार लक सभा बियाबनि ओन्सोलफोराव जिउ खुंनय गुबुन गुबुन हाऱि-माहारिनि राइजो-राजाफोरनि गेजेराव नांगोन, बिपिएफनि मुंदांखाया बांबोनों हददों। बिपिएफखौं देरहासार होनो थाखाय गासैबो हाऱि-माहारिनि राइजो-राजाफोरा उदाडै ओंखारबोदों। कक्राझार लक सभा बियाबनिफ्राय बिथांनि देरहानाया 100 जौखोन्दो रोखा जादों। कक्राझार लक सभा बियाबनि फारफोमबो दिगआव नांगोल हान्जा जानायनि थाखाय इडपिपिएलिन जुथाय हान्जाया गिखांदों। बेनिखायनो बिसोरो बिपिएफ आरो बिथांनि हॅथायै जानला-मोनला बाश्ना खुंनो हददों होनानै बिथाडा बुडो। गुबुन फार्सेथिं, गिबि मन्थि हिमन्त बिश्व शर्माआ 'बायनाय आखाइनि खामानि गैया, नांगोलनि बेसेन गैया' होनानै बुंनयनि सोमोन्दै खौरांगिरिआ सोंथि सांनयनि बिथायाव खाम्फा बरगयारीआ बुडोदि, 'बिथाडाबा मा बुंदों, आं असमीया मोजाडै बुजिया। नांदोलनि जेबो खामानि गैयाब्ला बिथांमोनहा माजों ओंखाम मोन्जादो। खाम्फा बरगयारी बिसायख'थिनि फोसावदिनायाव बारग' एमसिएलए रन्जित खेरकातारि, बिपिएफनि सालवारि जिल्ला आफादनि आफादगिरि खनिन्द्र ब्रह्म, बिपिएफनि गागि दैदेनगिरि कनक बर', नारायनि बसुमतारिजों लोगोसे बिपिएफ दोलोनि गोबां दैदेनगिरि-मावथि आरो राइजो-राजाफोरा बाहागो लायो।

एबसुनि आफादगिरि दिपेन बर'नि बिफानि सारादुआव गिबि मन्थिआ बाहागो लादों

सारादुनि लोब्यायै बर'बाजारनि दाडबगामियाव फुंबिलियाव आसामनि गिबि मन्थि हिमन्त बिश्व शर्माआ नुजाथिहैयो। बिसायख'थिनि मुखुब समनि गेजेराव गिबि मन्थिआ नुजाथिहैनानै आदुला कछारीनि सावगारियाव बिबार बाडनायजों लोगोसे दुखुथिया नख'रनिसिम समानै दुखु मोनफानाय फोरमायो। खौरां बिजोनि सिगाडव गिबि मन्थिआ बुडोदि, 'रंसारि कछारीआ बे ओन्सोलनि सासे मुंदांखा सुबुंमोन। बिथाया दिपेन बर'नि बायदि मोजां फिसाज्ला जोनोम होलांवाय। आं बिथांनि जिउमानि अराइ गोजोननि थाखाय आर'ज गाबो।' गिबि मन्थिजों लोगोसे बिटिसिनि गाहाइ मावफुं सोद्रोमा प्रमद बर', मन्थि अशक सिंहाल आरो माखासे मन्थिफोरबो बाहागो लायो। गुबुन फार्सेथिं, दिनें खुंनय रंसारि आदुला कछारीनि सारादुआव दुलाराइ आसाम फरायसा आफादनि गाहाइ बोसोनगिरि ७ सामुज्जल कुमार भट्टाचार्यआबो बाहागो लायो। बिथाडा रंसारि कछारीनि सावगारियाव बिबार बाडजेनयजों लोगोसे रंसारि कछारीनि बिसि मली बर'जों गोलाव सम सावरायनानै दुखुथिया नख'रजों समानै दुखु मोनफानाय फोरमायो। मख'नो गोनादि, दिनें बाथी धोरेमनि नेम-खांथिजों फालिाय रंसारि आदुला कछारीनि फिसाज्ला दिपेन बर'आ गावनि नख'र आरो समाजनि जानानै बाहागो लानाय बयनिसिमबो साबायख'र जासिनानै बुडोदि, 'बिफानि गोसोंखांथिखौं फोथानानै लाखिलांनो थाखाय बे ओन्सोलाव गंसे बिजाब बाखि आरो गथ'सा पार्क गायसन्नाय जागोन।' बे हाबाफारियाव राइज्यो सरकारआबो हेफाजाव हागोन होनानै बिथाडा फोरमायो।

राभा हारियारि आफादआ बिजेपि जुथाय दोलोनो हेफाजाव होनो फोसावदों

जाहोन दिन्थिनानै दिनें बिजेपि जुथाय दोलोनि बिजाथिफोरनो हेफाजाव होदों। बे खौरांगिरि मेलायाव आरसु 6 थि फारिलाइ दाबि आफाद आरो दुलाराय राभा आइजो गौथुमनि दैदेनगिरिफोरा बाहागो लाफैनानै खौरांगिरि मेलनि गेजेरजों आरो मोनसे रादाब बिबुंसायाव मख'दोंदि, दुलाराय राभा फरायसा आफाद, दुलाराय राभा आइजो गौथुम आरो 6 थि फारिलाइ दाबि आफादनि मोनसे जुथाय दैदेनगिरि मेल खुंदों। बे मेलायाव जर'खायै लकसभा बिसायख'थिनि 3 थि खोलोबयाव खुंनानो गोनां 5 नं. गुवाहाटी आरो 1 नं. कक्राझार, 3 नं. बरपेटा आरो 2 नं. धुबुरी लकसभा बियाबनि सिडव मोनसे जुथाय थांखि आजावनाय जादों। मख'नो गोनांदि, राभा हारिनि गाहाइ दाबि राभा हास अटनमास काउन्सिलखौं भारतयारि संबिजिरिनि 6 थि फारिलाइयाव थिसनफानाय, बे बिथिडव आसामनि गिबि मन्थि ७ हिमन्त बिश्व शर्मानि दैदेनाय बिजेपि सरकारआ जोबोद गोनांथिजों आरो मोनसे थि मावफुंथाय नोजोरजों राभा हास अटनमास काउन्सिलनि ओन्सोलखौं संबिजिरिनि मान गथायनायनि थाखाय आथिखालाव केबिनेटआ थांखि आजावनानै मिरु सरकारनिसिम थांखिलाइ दैथायहरदों। गुबुन फारसे गोदान सोलौंथाय खांथि 2020 नि आवथायाव गुदि थाखोयाव राभा रावखौं बिजों महरै बाहायनो सरकारआ केबिनेट थांखि आजावनयनि अनगायैबो राभा हास ओन्सोलनि दरथाम बिधान सभा बियाबखौं एसटिनि थाखाय सरेखाथि होदों। थानाय 25 एप्रिलखालि गिबि मन्थि ७ हिमन्त बिश्व शर्माजों मोनथाम राभा हारियारि आफादनि जथुमयाव बिथाड फिन खेबसेबाव राभा हारिनि गोरोबलायै जेनाफोरखौं सुसानयनि थाखाय बाश्ना होनायनि बिथिडव आरो मिरु सरकारआ राभा हास अटनमास काउन्सिलखौं भारतयारि संबिजिरिनि 6 थि फारियाव थिसनफानयनि गोरोबलायनाय लामा ओंखारनायनि सार्थयाव जोडे मोनथाम राभा हारियारि आफादआ बिजेपि जुथाय दोलोनि बिजाथि बिजुलि कलिता मेधी (गुवाहाटी सान्जा), जयन्त बसुमतारि (कक्राझार बियाब), जाभेद इस्लाम (धुबुरी) आरो पनिभुपन चौधुरी (बरपेटा) मोनखौं हेफाजाव होदों। बेनि थाखायनो दरखेबो बियाबआव राभा राइजो-राजाफोरखौं बिसोर फसंजानाय बिजाथिफोरा भट होनो खावलायहरदों।

काश्मीर हायेननि मास्वासे ओन्सोलफोराव गोब्राब अरवा आरो बरफ गोग्लैनायनि एलाट

जम्मे, 28 एप्रिल : जम्मु-काश्मीराव अखा आरो बरफ दामोल गोग्लैनायनि जाहोनाव श्रीनगर-जम्मुजों लोगोसे हाजो आरो सिमना ओन्सोलफोराव सडक-लामाखौं गारिफोरनि हान्था-मेलानि थाखाय बन्द' खालामना होनाय जादों। बोथोर बिफाना 30



एप्रिलसिमाव बरफ आरो अखा हानायनि सन्देह' फोरमायदों। जम्मु-काश्मीराव बरफनि दामोन गोग्लैयो आरो अखा हायो। बेनि गेजेरजों बोथोर बिफाना फेंगौ माखासे साननि गेजेराव बरफ आरो अखा हानो हागो होन्ना सन्देह' फोरमायदों। बिबानगिरिफोरा माखासे जायगाफोराव

एडभाइजारि फोसावनानै सुबुंफोरखौं दैमाफोर आरो बिलोफोरनि सेराव थानायनिफ्राय जानगाराव थानो थिनो। बेनि अनगायै सा आरो गेजेर काश्मीरनि हाजोयारि ओन्सोलफोरा बरफ गिसिखानायनिबो सांग्रांथिबो फोसावयो। लांथिथै हाबाय थानाय अखानि जाहोनाव जम्मु-काश्मीर राजा-लामा, मुगल रड,

श्रीनगर लेह रड आरो कुपवाडा, गुरेजनि जानगाराव थानाय ओन्सोलफोरनि फारसे थांग्रा

लामाफोरजों लोगोसे काश्मीर हायेनाव माखासे लामाफोरखौं बन्द' खालामनाडे। सासे बिबानगिरिया फोरमायदोंदि, दलवास, मेहर आरो हिंसानीयाव बिबानगिरिफोरा राजा लामाखौं हांथा-मेलानि थाखाय बन्द' खालामना होयो। बेनि गेजेरजों बिबानगिरिफोरा बोथोर गात्रि आरो पीर-को-गली, सदाना टप राजदान टप आरो जलियानि

खाथियाव थानाय लामायाव बरफ जमा जानायखौं नोजोर होनानै मुगल रड, श्रीनगर लेह रडखौंबो बन्द' खालामनो बिथोन होयो। सासे बिबानगिरिया फोरमायदों, दिनें बेलासिनि 8 रिगासिमाव थानाय 24 घन्टायाव श्रीनगराव 4.5 मिमि, काजिगुन्डयाव 10.2 मिमि, पेहेलगामआव 20.8 मिमि, कुपवाडायाव 15.1 मिमि, ककरनागआव 9.8 मिमिनि अखा हायो।

(1 विलाडिफ्राय)

समाज सिबियारि-सैथो सोमावसारग्रा रंसारि सुभाष बसुमतारिनि सारादुयाव गोसोखां लाइसि बेखेवदों

समाज सिबियारि सैथो सानग्रा रंसारि सुभाष बसुमतारिनि दिनें सारादुखालि 'अरखि' मुनि गांसे गोसोखांलाइसि बेखेवनाय जादों। गोसोखांलाइसिखौं बासुगाव गोजौसिन गेजेरारि फरायसालिनि आजिरा मोन्नाय गोरयुं आरो साहित्य एकाडेमि बान्था मोनगिरि लक्ष्मीनाथ ब्रह्मआ बेखेवना होयो। बिथाड गोसोखां लाइसिखौं बेखेवनानै रंसारि सुभाष बसुमतारिनि जिउ, नेमखान्थि-साम्थौनि सायाव बिबुंधि होनानै बिथांनि जिउमाखौं अरायसम गोजोननि थाखाय इसोरनिसिम आर'ज खालामो। चिरां जिल्लानि ढालिगाव थानानि सिडव थानाय कमाडांगानि गावनि थाखुलियाव खुंनय गोसोखांलाइसि बेखेवनाय हाबाफारियाव जर'खा आलासि महरै एबसुनि बारग' आफादगिरि रबिराम ब्रह्म, साहित्य एकाडेमि बान्था मोनगिरि गबिन्द बसुमतारि, राइज्यो सभानि एमपि रेनगोरा नार्जरी, बारग' एमपि सानसुमा खुंगुर बैसोमुतियारि, बिटिसि एलएनि बारग' बुंथिगिरि पानिराम ब्रह्म, थुनलाइगिरि आरो पवश्री बान्था मोनगिरि मंगलसिं हाजवारि, बारग' एमएलए मतिन्द्र बसुमतारि, बर' राइटर्स एकाडेमिनि बारग' नेहाथारि ७ सुंनुसुमा मुसाहारिमोनजों लोगोसे जर'खा सुबुंफोरा बाहागो लाफैदों। बासुगाव फरायसालिमानि गोरयुं रनेन चन्द्र मुसाहारिया सामलायनाय हाबाफारियाव सुभाष बसुमतारिनि जिउ खानायनि सायाव मोनसे सावरायलायनाय हाबाफारि खुंनय जादों। रंसारि सुभाष बसुमतारिनि फंवाय आरो बिटिसि गौथुमनि बारग' मावफुं सोद्रोमा देरहासात बसुमतारिआ बराय बिबुंधि होनायनि गेजेरजों सुभाष बसुमतारिनि जिउ खानायनि सायाव बुंथिनायजों लोगोसे जायफोरा गोसो थुलुंगाखांहोनो थाखाय अन्सायनाय महरै नुजाथि फैदों बिथांमोनखौं साबायख'र बावयो। हाबाफारिखौं सामलायदों आबोफनि बारग' आफादगिरि सुप्रिया रानी ब्रह्मआ। गुबुन फारसे, जागायजेननायाव रंसारि सुभाष बसुमतारिनि सावगारियाव बिबार मान बाडनायजों हाबाफारिखौं बेखेवना होयो बिथांखि आंगोनि अन्जालि बिसि प्रनति बसुमतारिआ। हाबाफारियाव नुजाथि फैनाय राइजो-राजाफोरा बिबार मान बाडखानायनि उनाव बाथी आर'ज बायदि फुजा सिबिथाय खुंनय जादों। मख'नो गोनांदि, आसाम सरकारनि मन्थि उर्खाव गोर ब्रह्म, सिदली बियाबनि एमएलए आरो 1 नं. कक्राझार लकसभा बियाबनि फसंजानाय बिजाथि जयन्त बसुमतारिमोनजों लोगोसे बर' समाजनि माखासे अन्जिमनि राजखांथियायि दैदेनगिरि-मावफारिया, थुनलाइगिरि, साम्थौगिरि आरो माखासे समाज सिबियारि सुबुंफोरखौं बाहागो लाफैनाय नुनो मोन्दों।

सिडिएसनि दावबायनाया भारत-फ्रान्स गोलाव समनि सोमोन्दोखौं गोखोंसिन खालामदों

फरायसा मावख'गिरिफोरखौंबो बिबुंधि होदोंमोन। दावबायनायनि समाव, सिडिएसआ रौनिया आगजुफोर आरो गोजौ बिरोंदामिननि बिथिडव रैखाथि हेफाजाबखौं बांहोनो थाखाय फ्रान्सनि डाइरेक्टर जेनेरेल अफ आर्मांमेन्टि जेनेरेल रिप्रेजेन्टिब इमानुएल चिवाखौं लोगो हददोंमोन। जेनेरेल अनिल चौहानआ भारतारि रौनिया हानजानि इयुननि गोहोफोरखौं दानायनि थांखिजों दसाल्ट एभिएसन, सफ्रान आरो नेभाल रूफजों लोगोसे गोबां फ्रान्सनि रैखाथि कम्पानिफोरनि गोजौ थाखोनि बिबानगिरिफोरजों सावरायदोंमोन। बे सावरायनाया जेनेरेल चौहाननि गोलाव सप्ताहसे फ्रान्स दावबायनाय समाव जादोंमोन। रैखाथि बिफाना दिनें बुंदोंदि, चिफ अफ डिफेंस स्टाफ जेनेरेल अनिल चौहानआ फ्रान्सआव मोनसे गुवार दावबायदोंमोन, जाय भारत आरो फ्रान्सनि गेजेराव गोबाव समनिफ्राय सोलिबोनाय सोलोआरि बाहागोआरिखौं रोखा खालामदोंमोन। फ्रान्सनिफ्राय गं 26 राफेल जेट आरो गंथाम स्करपीन साबमेरिन बायनायनि भारतनि सानथांखिनि सायाव सावरायनाय जादोंमोन। थानाय बोसोरनि जुलाइआव, रैखाथि मन्थि बिफाना हादतआवनो बानायनाय बिरखं जाहाज आइएनएस विक्रान्तआव थिसननयनि थाखाय फ्रान्सनिफ्राय गं 26 राफेल जेट बायनो गनायथि होदोंमोन।

सिलायजों सिगिानानै भट नागिर्याफोरा दानिया आखाइ खबजवनानै भट नागिरोः गिबि मन्थि

हिन्दु, मुसलमान बयबो खौसेयै मोसादों। बेयो मदि सरकारनि थाखायल' जाफुंसारनो हादों। गोजोन, खौसेथि आरो जौगाथायनि थाखाय मदिखौं थामथि खेबनि थाखाय हादतनि गाहाइ मन्थि खालामनंगोन।' चिरां जिल्लानि सदर काजलागावनि खाथियाव थानाय कदमतलाआव इडपिपिएल दोलोनि बान्जायनायाव खुंनय मोनसे हाबाफारियाव बाहागो लानानै राइज्योनि गिबि मन्थि ७ हिमन्त बिश्व शर्माआ बे बाश्नाखौं बुडो। कक्राझार लक सभा बियाबनि इडपिपिएल दोलोनि बिजाथि जयन्त बसुमतारिनि जानानै फोसावदिनाय मेलाव गिबि मन्थिआ बिबुंधि होनानै मेलाव बाहागो लानाय गोबां भटार राइजो-राजाफोरखौं इडपिपिएल दोलो एवा एनडिएनि बिजाथि जयन्त बसुमतारिनो इभिएमनि बेलट इडनिटनि 3 नं नम्बरव थानाय ट्रेक्टरनि सावगारियाव भट होनानै देरहासार होनो खावलायो। गिबि मन्थि ७ शर्माआ फोसावदिं मेलाव बाहागो लानाय आइजोफोरनो अरुनदय बिथांखि आरो रेचन कार्ड मोन्नो हादों एबा मोन्नो हायाखै आखाइ दैखानो होनायाव बाडाइल' आइजोफोरा रेचन कार्ड मोनाखै होनानै मिथिनो मोन्नानै गिबि मन्थिआ बिसायख'थिनि उनाव गासैबो खाबुखौं मोन्नो हानायनि खाबु खालामनानै होनाय जागोन होनानै फोरमायो। फोसावदिं मेलनि जोबथायाव खौरां बिजोनि सिगाडव गिबि मन्थि ७ शर्माआ बुडोदि, इडपिपिएल दोलोजों बिजेपि दोलोनि लोगोयारि सोमोन्दोआ मोननै राजखान्थियायि हान्जानि सोमोन्दो नड, बिटिआरनि गोजोन, दावगानाय आरो जौगानायनि सोमोन्दो। बिजेपि आरो इडपिपिएल दोलोआ लोगोयारि सोमोन्दो खानायनि उनाव बिटिआर ओन्सोलाव बमा बेरफुनाय, गुलि गावनाया बन्द जादों। जौनि दोलोया आसामाव सरकार दाफुनायनि उनावनो राइज्योयाव गोजोननि आबहावा फैदों। बिटिआरआव गिदिनानै फैफिनाय गोजोन थासारिखौं अरायथा खालामनंगोन होनानै गिबि मन्थि ७ शर्माआ गावनि बिबुंधियाव बुडो। दिनें बेलासियाव गिबि मन्थिआ हेलिकप्टरजों फैनानै कदमतलायाव बाख्लायनाय लोगो-लोगोनो गोबां अन्सायगिरिफोरा गाव-गावनि हारिसुवारि आर'नाइ, बिहु फालि आरो बिबार थफलाजों दुंबुदयै बरायो। इडपिपिएल दोलोनि बान्जायनायाव खुंनय बे मेलाव मन्थि रन्जित दास, अशक सिंहाल, उर्खाव गोर ब्रह्म, इडपिपिएल दोलोनि आफादगिरि प्रमद बर', राइज्यो सभानि एमपि रेनगोरा नार्जरीजों लोगोसे कक्राझार लक सभा बियाबनि इडपिपिएलनि बिजाथि जयन्त बसुमतारिआ बाहागो लागिरि भटार राइजो-राजाफोरनि गोसोखौं देरहासारनो गाव-गावनि बिबुंधियाव गाहाइ मन्थि नरेन्द्र मदि आरो आसामनि गिबि मन्थि ७ हिमन्त बिश्व शर्माआ आजावनाय सुबुं अन्सायारि खामानि आरो बिथांखिफोरनि सोमोन्दै गुवारै फोरमायथिनानै होयो।

(1 विलाडिफ्राय)

मंगलदैनि सन्जिब कुमार नाथखौं एसबिआइनि लेडाइ गाहाइ

सामब्लायगिरि महरै बिबान फोजौबाय

सन्जिब कुमार नाथआ दरं जिल्लानि गिबि सुबुं। जिल्लानि मोनसे समनि गुन गोनां फरायसा नाथनि जोनोम थावनि मंगलदैनि मिलनपुरजों लोगोसे जिल्लानि राइजो-राजाफोरनि गेजेराव रंजाखानाय थासारि सोमजिदों। 1998 माइथायाव कटन फरायसालिमानिफ्राय सानखांथि यदायाव बेस्ट प्रेजुवेट महरै जाफुंसारनो हानायजों लोगोसे 2001 माइथायाव दिल्ली मुलुगसोलौंसालिनिफ्राय डिग्री मोन्नो हायो। सानखांथि आयदायाव जिआरएफ डिग्री मोन्नो हानाय सन्जिब कुमार नाथआ 2002 माइथायाव भारतआरि स्टेट बैंकनि प्रवेसनारि बिबानगिरि महरै साखि मावजेदोंमोन।

बाक्सानि सालवारियाव मिरु राइज्यो मन्थि रामेश्वर तेलिआ बिसायख'थि फोसावदिंदों

कक्राझार लकसभा बियाबनि इडपिपिएल आरो एनडिए जुथाय दोलोनि फसंजानाय बिजाथि जयन्त बसुमतारिनि हेफाजाबाव फोसावदिनानै बिथाड माखासे गोनांथार बिबुंधि होदों। बिथाड बुंदोंदि, कक्राझाराव इडपिपिएल आरो एनडिएनि बिजाथिया देरहानाया रोखा, मानोना हिरा शरनियाआ बिसायख'थि गेलेनो मोनैनि थाखाय जाय बिजाथि फसंदों बियो गोहो गैयै लोरबां बिजाथि। गिबि मन्थिआ मेलफोराव हिरा शरनियानि हॅथायै गाग्लोबथाय बिबुंधि होयाखै। बिथाड हाग्रामाखौं गाग्लोबनाय बिबुंधि होदों। जौहा हाग्रामाजों लोगोसे हॅथा बादायलायनाया जागोन। गुवैयै जों गोबां भटनि फारागथियाव कक्राझारखौं दखल खालामगोन। जों जौनि दोलोयारि मावफारियाफोरा जेरेबायदि फोसावदिंदों बेनिफ्राय मिजिंथिजायो जों आसामआव मोन 13 मासि मोनगोन। सेथि, नैथि खोलोबनि बिसायख'थियाव जोडे मोन 10 मासि मोन्नो हागोन। डिबुगडुआव 5 लाख भटनि फारागथियाव सर्बानन्द सनवालआ देरहागोन। लुरिज्यति गगैआ मोजां मानसि, फरायसा आफादनिफ्राय फैनय। नाथाय बिहा आफाद गैया। दुलाराय आसाम फरायसा आफादनि सासे मावफारिया जानायनि उनाव बिथाड कंग्रेसखौं नागरानादोंमोन। बियो सान्दोंमोन कंग्रेस दोलोआ गावखौं हेफाजाव हागोन। उनाव हेफाजाव होयाखिसै होन्ना मिरु राइज्यो मन्थि रामेश्वर तेलिआ बुडे।

जिल्ला थाखोनि उशु बादायलायनायनि

थाखाय कामरुप जिल्ला हान्जा दाफुंबाय

आरो नायदिंगिरि महरै शिखा दासआ बाहागो लायो। 17 थि कामरुप जिल्ला उशु बादायलायनायाव बिजिरिगिरिआ गासै सा 25 गेलेगिरिफोरखौं जुनियर, साब जुनियर आरो सिनियर थाखोयाव सायख'यो। मख'नो गोनांदि, सायख'जानाय गासैबो गेलेगुरफोरखौं खुंनो गोनां जिल्ला थाखोनि बादायलायनायाव कामरुप गामियारि जिल्लानिफ्राय बाहागो लानो खाबु होनाय जागोन होनानै कामरुप जिल्ला उशु आफादआ मिथिहोयो।


तामुलपुरनि गुवावारियाव दुलाराय आसाम बाडालि लाइमोन

फरायसा फेडाऱेशनआ रडालि बिहु फोर्बो खुंदों

बाउयो समाज सिबियारि हेरन्द्र बिस्वास आरो बिबार मान बाउयो गेदेर नाग्रिजुलि ओन्सोलनि लाइमोन समाज सिबियारि परिमल शिलआ। फुनि 11:00 रिगायाव मावखुलिखौं बेखेवनायनि उनाव बेलासिनि 4:00 रिगायाव गेवलां बिहु आरो गुबुन गुबुन हाऱि-हारिसानि सुबुं मोसानाय दिन्थिनाय हाबाफारिखौं बेखेवना होयो समाज सिबियारि सुजित सरकारआ। बिहु मोसानायनि अनगायैबो बर' लाइमोन सेंग्रा-सिख्लाफोरनि बैसागु मोसानाय, गर्खा-कच राजबंसिनि सुबुं मोसानायखौं दिन्थिनाय जादों। ढल-पैपा-गंगना, खाम-सिफुं दामनायनि रिखानायजों असमीया लाइमोन सेंग्रा-सिख्ला, बर'जों लोगोसे ओन्सोलनि माखासे हाऱि-हारिसाफोरनि सेंग्रा-सिख्लाफोरनि मोसानाय-मुसुननायाव भारत-भुटान सिमना ओन्सोल गुवावारिनि गासै थासारिया गोमखदों। दुलाराय आसाम बाडालि लाइमोन फरायसा फेडाऱेशननि तामुलपुर जिल्ला आफाद आरो नाग्रिजुलि आन्सलकि आफादनि बेबायदि आंगोनि फोर्बोखौं दिन्थिनायजों लोगोसे खुंनय खामानिखौं ओन्सोलनि राइजो-राजाफोरा गोसो-गोर्बोखौं बाख्नायदों।

फावखुंगुर आमिर खानआ पिकेनि मोनसे सेटआव फैन्यानि सिगां थासारिया मोजां नडामोन

आमिर खानआ जेबलाबो गावनि फाव दिन्थिनायजों नायगिरिफोरखौ रंजा होबोदों। रमान्स, एक्शन, भिले ननिफ्राय लानानै फावखुंगुरआ बेबादि आखुफोरबो दिन्थिदों, जाय सुबुफोरखौ थुलुंगा होयो। 2014 माइथायाव फोसाव जानाय सावथुन पिकेआव आमिरआ सासे एलियन जानानै नायगिरिफोरखौ गोहोम खोख्लैदोंमोन। बे सावथुनाव फावखुंगुरआ फाव दिन्थिनायल' नड लंथं नुथायजोंबो सोमोनहोदोंमोन। राजकुमार हिरानीजों दिथाहोजानाय



पिकेआव आमिर खानआ सासे गुबुन हाररनि फाव खालामदों, जाय गोरोन्थियै बहुमाव फेदोंमोन। सावथुना आमिर खाननि लंथं नुथायजों जागायजेनो। बेयो गिबि खेब जेब्ला आमिरआ गावनि जायखिजाया सावथुनआव लंथं

नुथाय खालामदों। बेबादि थासारियाव बे नुथायखौ सेबखानाया बिथानि थाखाय बेसेबां गोब्राबमोन जानांगौ बेखौ बुंन्याया गोरोन्थि जानाय नड। बावैसो आमिर खानआ कमेडी स्व' द ग्रेट इन्डियन कपिल स्व'आव नुजादों। बे स्व'आव

फावखुंगुरआ पिकेआव गावनि लंथं नुथायनि सेबखानायायन उनिन सल'खौ फोरमायदोंमोन। फावखुंगुरआ नुथायनि सेबखानायायन सिगां बिथांजों मा जादोंमोन खोन्थादोंमोन आरो बिथाड गावखौ मासे दावखाजों रुजुदोंमोन। आमिर खानआ बुंदोंदि, राजस्थानखौ लंथं नुथायनि थाखाय सायख'नाय जादोंमोन। राजकुमार हिरानीया बिथांनो समायखिरा लाहोदोंमोनदि, बे नुथायनि शुटिनि समाव गासैबो सेटआ लांदां जागोन। लोगोसे मोनसे अरायथा नडै खसाब होनाय जादोंमोन नाथाय फावखुंगुरआ

बै खसाबआव गोजोन्नाय मोनाखैमोन बेनिखायनो बिथाड बेखौ बोखारदोंमोन। बिथाड बुंदोंदि, गोबां खेब नाजानायनि उनाव आं राजु (राजकुमार हिरानी) खौ बुंदोंदि, बेखौ बोखार, आं मोजाडै शुटिं खालामनांगोन। आं सुटखौ गारहरनायसै आरो खारनो हमनायसै। आमिर खानआ आरोबाव बुंदोंदि, आं शुटिनि समाव गोनों-गोथो जायोमोन मानोना आं सानोमोनदि आंखौ सेटआव गोमोथाव नुगोन। आमिर खानआ बुंदोंदि, सेटआव फैन्यानि उनाव बिथानि सानाया सोलायदोंमोन। जेब्लानो बिथाड सेबखानो थाडे बिथाड हमदांनो हादोंमोनदि, बेयो बिथानि खामानि। जेब्ला आं सेटआव फेदोंमोन आं खामानि मावनांगोमोन आरो आंनि शटआ मोजां नडामोन। बेनिखायनो आं राजुखौ बुंदोंमोनदि, बेफोर गासैबो खामानि गैयै जिनिस। नों आंखौ लंथं नुदोंब्लाबो बेयो जेबो गिदिर बाश्रा नड। आं बै समाव गोनों-गोथो मोनाखैमोन आरो उनाव आं बेखौ मावदोंमोन। लाल सिंह चड्डनि फलप जानायनि उनाव आमिर खानआ गावनि फेगौ सावथुन लाहौर 1947 नि थाखाय थियारि खालामनायसिनो। बेयाव बिथांखो सानि देवलजों लोगोसे नुनो मोनगोन। बेनि अनायैबो बिथांखो स्टर्स जमीन परआवबो नुनो मोनगोन।

अक्षय कुमार आरो फरदीन खानखौ 17 बोसोरनि उनाव फिन खेबसेबाव जयै नुनो मोनसिगोन

अक्षय कुमारआ आधिखालाव गावनि जिउ राहायारिखौ लानानै सोराखव फेदों। सोलिफु बोसोरनि जागायजेन्नायाव बलिउड खिलाड़ी कुमारनि गिबि सावथुन 'बड़ेमिया छोटेमिया' आ बक्स अफिसआव मोजां बुथुमदोंमोन। आधिखालाव बेनि उनाव अक्षय कुमारआ गावनि फैनो गोनां सावथुन 'खेल खेल में' नि रिलिजनि खालारखौ फोसावदों। बे सावथुनाव तापसी पन्नु, भाणी कापुर, फरदीन खान, एमी भिर्क, अक्षय कुमार आरो आदित्य सीलआ गाहाइ बिफावआव दं। बेल' नड फरदीन खान आरो अक्षय कुमारखौ 17 बोसोरनि उनाव फिन खेबसेबाव जयै नुनो मोनगोन। 12 बोसोरनि उनाव फेफिनगासिनो थानाय फरदीन खानआ 'हीरामन्डी' नि बागै गोबां सावरायगासिनो दं। अक्षय कुमार आरो फरदीन खानखौ 2007 माइथायाव रिलिज जानाय सुपारहिट सावथुन 'हे बेबी' नि 17 बोसोरनि उनाव



फिन खेबसेबाव जयै नुनो मोनगोन। 'हीरामन्डी' नि फावखुंगुर फरदीन खान आरो खिलाड़ी कुमारखौ फेगौ सावथुन 'खेल खेल में' आव नुनो मोनगोन। स्टार कास्टआ सावथुननि पस्टरखौ शेरार खालामनाय रिलिजनि खालारखौ फोसावदों आरो थाबैनो बे सावथुना थियेटारफोराव रिलिज जागोन। तापसी पन्नु, भाणी कापुर, फरदीन खान, एमी भिर्क, अक्षय कुमार आरो आदित्य सील

स्टार 'खेल खेल में' आ 6 सेप्टेम्बर 2024 खालि सिनेमा हलफोराव रिलिज जागोन। बे रिलिजनि अक्ट'आबो जुनिया मानोना अक्षयनि जोनोम साना बे सप्ताहनि समाव फेयो। 27 एप्रिलाव सावथुननि टीमआ इनस्टाग्रामआव गासै स्टार कास्टनि मोनसे सावगाारि शेरार खालामनाय समाव, केशनआव लिरनाय दंदि, मिननाय, थुनफावथाय आरो गोबां रंजानायनि रलारक'स्टार राइडनि

थाखाय थियारि जा। नोंथानि केलेन्डाराव 06 सप्टेम्बर 2024 खौ मार्क खालाम। अक्षय कुमारनि वार्कफ्रन्टनि बाश्रा बुडेब्ला, 'खेल खेल में' नि अनायैबो फावखुंगुरखौ 'वेलकाम तु द जंगल' आवबो नुनो मोनगोन जाय क्रिसमास 2024 नि समाव रिलिज जागोन। खिलाड़ीखौ कुमार सुधा कंगाराजों दिथाहोजानाय 'सरफिरा' आवबो नुनो मोनगोन जाय 12 जुलाइआव सिनेमाहलफोराव रिलिज जागोन।

सुशान्त सिंहनि बिनानावआ न्यायनि थाखाय मोनसे जर'खा केम्पेइज जागायदों

सुशान्त सिंह राजपुतनि बिनानाव स्वेता सिंह कीर्तिआ गावनि फंवाय थैनायनि उनाव गोबां खेब न्यायनि थाखाय गोदान लामाफोर नाजाबाय। आधिखालाव बावैसो फावखुंगुरनि बिनानावआ न्याय नागिरनो थाखाय मोनसे अनलाइन फोसावनाय जागायदों, जायनि जाहोनाव बियो समाजारि बिजोंआव सुबुफोरनि गेजेराव सावरायजागासिनो दं। 14 जुन 2020 खालि सुशान्तआ बे मुलुगखौ अरायनि थाखाय बिदाय होदोंमोन। बिथांखौ गावनि मुम्बाइनि एपाटमेंटाव थैनाय थानाय मोन्याय जादोंमोन। बबेखानि माखासे सुबुफोरा दासिमबो हमदांनो हायोदि, सुशान्तनि थैनाया गावखौ फोथैनायनि जाहोनाव नडामोन। बेजों लोगोसे बिथानि बिनानावआ सिगांनि बायदि फिन खेबसेबाव फावखुंगुरनि थैनायनि सैथोखौ फोरमायनो थाखाय सिबिआइ मावख 'गिरिफोरनाव दाबि खालामदों। सुशान्त सिंहनि बिनानाव स्वेता सिंह कीर्तिआ गावनि इन्स्टाग्राम हेन्डेलाव 'न्याय 4 एएसएसआर जान



आन्दलन' खौ फोसावदों। बे फोसावनायनि बाहागो जानो थाखाय स्वेताया बयखौबो गावनि आखाइ एबा खाफालाव गोजा सि खानायनि उनाव सशेल मिडियायाव भिडिअ' पस्ट खालामनो आरो एजेन्सिफोरखौ रूसारि फावखुंगुरखौ न्याय होनो थाखाय खावलायदों। बेजों

लोगोसे सुशान्तनि बिनानावआबो सिबिआइखौ नायबिजिरनायखौ गोखै खालामनो आरो सैथोखौ दिन्थिनो दाबि खालामदों। स्वेता सिंह कीर्तिआ गावनि इन्स्टाग्राम हेन्डेलाव पस्ट खौ शेरार खालामना आरो लिरदोंदि, फ्राय 45 साननि उनाव आंनि फंवाय सुशान्तआ गावनि थैनायनि 4

बोसोर आबु' खालामनो थांगासिनो। आं सिबिआइखौ बे जाथयनि नायबिजिरनायखौ गोखै खालामनो आरो सैथोखौ फोरमायनो खावलायदों। सुशान्त सिंह राजपुतआ गावनि केरियारखौ एकता कापुरनि टिभि दिन्थिफुनाय 'क्रिस देश में है मेरा दिल' जों जुरिजेदोंमोन। फावखुंगुरआ प्रीत सिंह जुनेजानि फाव खालामदोंमोन। उनाव सुशान्त सिंह आरो अंकिता लखन्डेनि अन-स्क्रिन केमिस्ट्रीखौ 'पवित्र रिश्ता' आव नुनो मोन्याय जादोंमोन। सुशान्तआ 2010 माइथायाव 'झलक दिखला जा 4' आवबो बाहागो लादोंमोन आरो बिथाड डान्स रिथेलिटो स्व'नि सेथि रामर-आपमोन।

फरदीन खानआ मोनसे जाहोननि थाखाय सावथुन मुलुगनिफ्राय 14 बोसोर जानगारनो थिरांथा लादोंमोन

सावथुन स्टारफोरनि थाखाय ब्रेक लानाया मोनसे गिदिर खैफोदनिफ्राय बाडइ नड मानोना जिरायनायनि उनाव बिसोरो नायगिरिफोरनि गोसोनिफ्राय रोखा जायो आरो खामानि मोनो गोब्राब जायो। फावखुंगुर फरदीन खानआबो 14 बोसोर सिगां रिस्क लादोंमोन। बिथाड 2-3 बोसोर जिरायनो लुबैदोंमोन, जाय दान्दिसे समनि गेजेरावको 12 बोसोराव सोलायदोंमोन। गोबां समावनो स्टारफोरा ब्रेकनि उनाव फेफिनो गोब्राब मोनो नाथाय फरदीननि थाखाय बेबादि नड। 2 बोसोर सिगां सन्जय लीला भन्सालीनि गिबि वेब सिरिज 'हीरामन्डी: द डायमन्ड बाजार' आ फरदीननि नुथायआव गोर्लैदों, जाय फावखुंगुरनि थाखाय मोनसे गिदिर फेफिन्नाय जानो थांगासिनो दं। बावैसो फावखुंगुरआ फोरमायदोंदि, बिथाड मानो एसेबां बोसोरसिम ब्रेक लादोंमोन। फरदीन खानआ बुंदोंदि, नोंथाड माब्लाबाबो मिबथियादि, जिउनि आन्दोआव मा जायो। बेनि सिगां आंनि जोबथा रिलिजआ 2010 माइथायाव दुल्हा मिल गयामोन। माखासे गावनि जाहोनफोरनि थाखाय आं सान्दोंमोनदि, बेयो थारदि आंनो बे दारिमिन आरो खामानिफ्राय 2-3 बोसोरनि जिरायनाय नांगौ। आं आंनि नख 'राव गोसो होनांगौमोन नाथाय जेब्ला आंनि फिसाजोआ जोनोम जादोंमोन अब्ला बेयो बोसोर 6 एबा 8 बोसोर जायो आरो फिन आंनि हौवासाया जोनोम जायो आरो सम बारलाडे आरो आं सासे बिफा



जायो। फरदीन खानआ बुंदोंदि, बे 14 बोसोराव फावखुंगुरनि जिउआव गोबां सोलायबाय। नायगिरिफोरनि नोजोरथि आरो सावथुन बानायनायनि आदबआ सोलायबाय। बिथाड बुंदोंदि, बिथाड सासे गोदानै फेनाय सुबुनि थुलुंगानायजों फेफिनगासिनो आरो बिथाड बे आबुजों खामानि मावगासिनो दं। फरदीन खानखौ 'हीरामन्डी' आव नवाब वली महम्मदनि फावआव नुनो मोनगोन। गिबि नुथायाव फावखुंगुरआ नायगिरिफोरनि गोसोखौ बोनो हादों। सुबुफोरा फावखुंगुरनि दिन्थिफुनायखौ नेगासिनो दं। बे फारिआ नेटफिलक्सआव 1 मे 2024 माइथायाव रिलिज जागोन। बेयाव सनाक्षी सिन्हा, अदिति राव हैदरी, ऋचा चड्डा, मनीषा कइराला, सन्जोता शेख, शेखर सुमन आरो अध्येयन सुमनआबो गाहाइ बिफावआव दं।

जायो। फरदीन खानआ बुंदोंदि, बे 14 बोसोराव फावखुंगुरनि जिउआव गोबां सोलायबाय। नायगिरिफोरनि नोजोरथि आरो सावथुन बानायनायनि आदबआ सोलायबाय। बिथाड बुंदोंदि, बिथाड सासे गोदानै फेनाय सुबुनि थुलुंगानायजों फेफिनगासिनो आरो बिथाड बे आबुजों खामानि मावगासिनो दं। फरदीन खानखौ 'हीरामन्डी' आव नवाब वली महम्मदनि फावआव नुनो मोनगोन। गिबि नुथायाव फावखुंगुरआ नायगिरिफोरनि गोसोखौ बोनो हादों। सुबुफोरा फावखुंगुरनि दिन्थिफुनायखौ नेगासिनो दं। बे फारिआ नेटफिलक्सआव 1 मे 2024 माइथायाव रिलिज जागोन। बेयाव सनाक्षी सिन्हा, अदिति राव हैदरी, ऋचा चड्डा, मनीषा कइराला, सन्जोता शेख, शेखर सुमन आरो अध्येयन सुमनआबो गाहाइ बिफावआव दं।

धर्मेन्द्रआ दिलीप कुमारनि थैनाय सानाव दुखु फोरमायदों

फावखुंगुर धर्मेन्द्रआ बलिउडआव मोनसे गोलाव आरो जाफुंसार जिउ राहा नुदों। बे बैसोआवबो फावखुंगुरफोरखौ गावसोरनि फाव खालामनायजों सुबुफोरखौ सोमोनहोनाय नुनो मोनो। बेजों लोगोसे धर्मेन्द्रआ सशेल मिडियायावबो जोबोद सांग्रां आरो सानफ्रेमबो गावनि माखासे पस्टनि थाखाय सावरायनायव थयो। बेनि गेजेख बावैसो धर्मेन्द्रआ गावनि मोनसे गोदान पस्टनि थाखाय फिन खेबसेबाव गिबि खौरांआव फेदों। बे पस्ट'आव बिथाड दिलीप कुमारनि मोनसे नुनो मोनै भिडिअ'



शेरार खालामदों, जाय सुबुफोरनि गोसोखौ जै खालामगासिनो दं। धर्मेन्द्रजों शेरार खालामजानाय भिडिअ'आव दिलीप कुमारखौ बुंन्याय नुनो मोनोदि, जुदि नोंथाड सोरजोबा मोजाडैरयज्जायदोंब्ला

दिन्थिनायमोन। बिथाड बे भिडिअ'नि केप्पानआवबो लिरदोंदि, रायज्जायनायनि सुर। बेजों लोगोसे धर्मेन्द्रआ केशनआव बेखौबो लिरदोंमोनदि, 'तेरे मेरे तड़के दिल के तसरे के तरत। आधिखालाव अन्सायगिरिफोरबो धर्मेन्द्रजों शेरार खालामजानाय बे क्लिपनि सायाव रंजाथाव फिनजाथाय होदों। सासे बाहायगिरिया लिरदोंदि, गेदेमाफोरा जेब्लाबो गेदेमाफोरा। जों बिसोरजों माबोरे रायज्जायबो बेखौ जोथोन लिनांगौ। गुबुन सासे बाहायगिरिया लिरदोंदि, रावबो बिसोरखौ फेजेन्नो हाया। 'माशाल्लाह'।

बेबायदिनो गासैबो अन्सायगिरिफोरखौ धर्मेन्द्रनि बे पस्टआव कमेन्ट खालामनाय आरो दिलीपखौ बाख्नायनाय नुनो मोनो। दिलीप कुमारनि मुख बै सुपारस्टारफोरनि गेजेराव सासे, जाय 70 निफ्राय 90 जौथाइसिम गावनि सावथुनफोरजों अन्सायगिरिफोरखौ रंजाहोदोंमोन। बिथाड 'मुगल-ए-आजम', 'देवदास', 'राम और श्याम बायदि गोबां सावथुनफोरखौ अन्सायगिरिफोरनि गेजेराव मोनसे बावगाारनो हायै सिनायथि सोरजिदोंमोन।

बेबायदिनो गासैबो अन्सायगिरिफोरखौ धर्मेन्द्रनि बे पस्टआव कमेन्ट खालामनाय आरो दिलीपखौ बाख्नायनाय नुनो मोनो। दिलीप कुमारनि मुख बै सुपारस्टारफोरनि गेजेराव सासे, जाय 70 निफ्राय 90 जौथाइसिम गावनि सावथुनफोरजों अन्सायगिरिफोरखौ रंजाहोदोंमोन। बिथाड 'मुगल-ए-आजम', 'देवदास', 'राम और श्याम बायदि गोबां सावथुनफोरखौ अन्सायगिरिफोरनि गेजेराव मोनसे बावगाारनो हायै सिनायथि सोरजिदोंमोन।

प्रभास-दीपिकानि 'कल्कि 2898 एडी'आ थाबैनो रिलिज जासिगोन

नाग अश्विनजों दिथा होजानाय बिगियान-सल'बाथा सावथुन 'कल्कि 2898 एडी'आ गोबाव समनिफ्रायनो सावरायजागासिनो दं। हास्थायगिरिफोरा प्रभासआ फाव खालामनाय बे सावथुनखौ गोसो गुदुडै' नेगासिनो दं। सावथुननि स्टारफोरनि गिबि नुथायखौ फोसावनाय जादों। बावैसो अमिताभ बच्चननि धनसु लुकखौबो सावथुननिफ्राय फोसावनाय जादों, जाय अन्सायगिरिफोरनि गेजेराव सावथुननि थाखाय रंजानायखौ बांहोदों। एखे समावनो बावैसो बानायगिरिफोरा बे सावथुननि रिलिजनि अक्ट'खौबो फोसावदों। पान इन्डियाआ मिथिहोदोंदि, बे सावथुना थाबैनो थियेटारफोराव रिलिज जागोन। 'कल्कि 2898 एडी' सावथुननि रिलिजनि अक्ट'नि खौरांआ गोबां दाननिफ्राय सोलिगासिनो दं नाथाय जोबनायाव बेनि सायाव जोबथा आपडेटआ सौफैबाव। बानायगिरिफोरा मोनसे गोदान पस्टारजों



सावथुननि रिलिजनि खालारखौ फोसावदों। बानायगिरिफोरजों फोसावजानाय गोदान पस्टाराव प्रभास, दीपिका पादुकण आरो अमिताभ बच्चननि मोनसे नुथायखौ नुनो मोन्दों। बे पस्टारखौ शेरार खालामनानै बानायगिरिफोरा फोसावदोंदि, सावथुनखौ 27 जुन, 2024 माइथायाव फोसावनाय जागोन। नाग अश्विनआ 'कल्कि 2898' खौ दिथा होगासिनो। सावथुननि सल'नि बागै बुंन्याय जादोंदि, बेयो कलयुगनि फोखोबस्रानायनि सायाव बिथा खालाम जागोन मानोना पुराणफोरनि बायदिब्ला, कल्कि मुनि सासे अवतारनि

जोनामा कलियुगआव धोरोम गायसन्नो आरो बहुमाव गोसार नाय धोरोमखौ फोखोबस्रानो थाखाय जागोन। बे सावथुननि सायाव गोबाव समनिफ्रायनो सावरायनाय जाबोगासिनो दं, मानोना साउथ आरो बलिउडनि गोबां मुंदांखा स्टारफोरखौ बेयाव नुनो मोनगोन। जेराव दीपिका पादुकण, कमल हासन, प्रभास, दिशा पाटनीनि मुंफोरा दं। अमिताभ बच्चनखौ सावथुनाव द्रणनि फिसाज्जा 'अश्वत्थामा' नि फावआव नुनो मोनगोन आरो प्रभासआ सावथुनाव भैरवनि फाव खालामगोन, जायखौ कल्किनि सोलायनाय अहंकार मानिनाय जायो।

माहाम देहानि राहा

माखासे गुफुर मुवाफोरखौ बांदाय जानाया बिस मोनजानाय बादि जायो

दिनैनि सोलायनाय जिउ खुनाय आरो जाग्रा आदारनि गात्रि जालानायनि जाहोनाव सुबुफोरा गोबां बेमारफोरजों मोगा-मोगि जानो गोनां जायो। मोजां सावस्त्रिनि थाखाय गावनि आदाराव पुथिगोनां मुवाफोर थानाया गोनां नाथाय आधिखालाव सुबुफोरा मिथिस्लाबाजासे बेबादि



माखासे गुफुर बेसादफोर जायो, जाय सावस्त्रिनि थाखाय खहागोनां जायो। बिसोरो गावसोरनि जाग्रा आदाराव माइर', आटा, सिनि आरो संखिरखौ बांदाय बाहायनो हमबाय। बेफोर जाग्रा आदारआ लिरथाइ बारायनाय, हाइ बिपि, किडनी फेल जानाय आरो डाइबिटिस बायदि गोबां गिथावना बेरामफोर सोमजि होयो। फे जों मिबथिनि बबे-बबे गुफुर मुवाफोरनिफ्राय नोंथाड गोजानाव थानांगौ। गाहायाव होनाय गुफुर मुवाफोर जानायखौ खम खालामनाया सावस्त्रिनि थाखाय मुलाम्फा गोनां। 1. सिनि: बांदाय सिनि जानाया नोंखौ गोब्राब बेरामजों मोगा-मोगि जानो हागौ। बेखौ बांसिन जानायजों नोंनि गोहोखौ बाडइ खालामनायनि अनगायैबो डाइबिटिस

जानायनि खाबुखौबो बांहोयो। जुदि नोंथानाव गोबां सिनि जानो लुबैनाय दं अब्ला नोंथाड गुर एबा बेरे मोदै जानो हायो। 2. गुफुर संखि: गुफुर संखिखौ बांदाय जानाया हाइ बिपि नारसिनथायनि जेंनानि जाहोन जानो हागौ। बांसिन संखि जायोब्ला किडनीनि बेराम जानायनि खाबुआ बाडे आरो बेयो बेगेंखौबो लोरबां खालामो बेनिखायनो गुफुर संखिखौ इसेल' बिबाडव जानांगौ। 3. ओंखाम: मायर' गैयाब्ला मानसिफोरनि आदारा आबुं जाया। नाथाय नोंथाड मिबथियो ना बांदाय माइर' जानाया सुगारजों लोगोसे लिरथाइ बारायनायनि जेंनाखौ बांहोयो। बेनिखायनो नोंथाड ओंखाम गुफुर जानायनि जायगायाव मुगा ओंखाम जानांगौ। 4. मैदा: मैदाया सावस्त्रिनि थाखाय जोबोद गिथावना।

बिजिरसनायनि बायदिब्ला, आटायाव थानाय रिफाइन्ड कार्बफोरा देहाखौ बांसिन इन्सुलिन बानायहोयो, जाय सुबुफोरखौ जोबोद उखैहोयो आरो सुबुफोरा बांदाय जायो। बेयो लिरथाइखौल' बांहोनायजों हाइ ब्लाड सुगार आरो जाग्रा खान्थिनि जेंनाखौबो बांहोयो। बेबादि थासारियाव आटानि सोलायै नोंथाड बार्ति, रागी माल्टिग्रेन आटा बाहाय नांगौ। 5. गुफुर ब्रेड: नोंथाड गुफुर ब्रेड जानायखौ खम खालामनांगौ। गुबैयै गुफुर ब्रेडखौ रिफाइन्ड आटानिफ्राय बानायनाय जायो। रिफाइन्ड आटा बानायनाय खान्थियाव भिटाकिन, फाइबार आरो खनिजफोरखौ माइर'निफ्राय आलादा खालामनाय जायो। बेखौ जानायजों लिरथाइयाबो गोखैयै बांलाडे।

दिल्ली कंग्रेसनि आफादगिरि अरबिन्दर सिं लाभलीआ बिबान नागरबाय

गोदान दिल्ली, 28 एप्रिल: लकसभा बिसायख 'थिनि सिगां कंग्रेसआ मोनसे गिदिर खहा जानांदें। दिल्ली कंग्रेसनि गाहाइ अरबिन्दर सिं लाभलीआ गावनि बिबानखौ नागरबाय। दोलोनि बिबानगिरिफोरा रबिबारखालि बेनि खौरां होदें। लाभलीआ कंग्रेसनि माहारियारि आफादगिरि मल्लिकार्जुन खरोनो गावनि बिबान नागरनाय लाइजामखौ दैथायहरदें। जेराव बिथाडा दोलोनि बै बाश्रा जायखौ गाव साबजानाय मोनाखै बेफोरखौ रायखांदें। दिल्लीआव आम आदमी पार्टिजों जुथाय पार्टि दानायखौबे बिथाडा मोजां मोनाखै होन्नानै फोरमायदें। बेराफारसे दिल्लीआव कंग्रेसनो मोन 3 ल' मासिखौ होदें आरो बेफोर मासिनि मोननैखौ बाइजोनि



सुबुंफोरनो होदें। थामहिनबा बाइजोनि बिजाथिनो बेफोर मासिनि टिकेट होदें। बिथानि बाइजोनि सुबुं होन्नाया कन्हैया कुमार आरो उदित रजनि फारसे आसि थुदें। बिजाथिफोरनि मुं फोसावनायनि सिगांबो गावो मिथिहोगोयाखै। लाभलीनि बुंनया बादिब्ला, दिल्लीआव कंग्रेसनि बुंथिगिरि मासिआव बिबानगिरि थिसन्नायखौ होबथादें। बेबादिनो गोबां जाहोन दड, जायनि थाखाय

बियो कंग्रेसनिफ्राय बिबान नागरदों होन्नानै लाइजामआव मख'दें। मख'जाथावदि, सा-सान्जा दिल्लीनिफ्राय कंग्रेसआ कन्हैया कुमारनो आरो सा-सोनाब दिल्लीनिफ्राय उदित राजनो टिकेट होदें। अरबिन्दर सिंआ बिबान नागरनायनि मोनसे गिदिर जाहोनआ दिल्ली कंग्रेसनि आफादगिरि दिपक बावरियाखौ लानानै बिथानि बोरबनायाबो होन्नानै बुंनया जादें।

गोदान दिल्ली, 28 एप्रिल: हादराव गोबां लामा, दालां, सुरंगफोरजों लोगोसे गेदेर बिथायारि मावथांखिफोरा सोलिगासिनो दं। बेफोर मावथांखिफोरनि रांबावजाया कौटि-कौटि रांनि जायो। नाथाय बेफोर मावथांखिफोरनि खामानिखौ थि समाव फोजोबनो हायैनि जाहोनाव सरकारि रां बाखिनि सायाव गोखैयै बांगसिनो दं। सरकारआ फोरमायदोंदि, अक्टबर-डिसेम्बर 2023 माइथायनि गेजेराव 150 कौटि रां एबा बेनि बांसिन रां थिसन्नाय 448 लु नु ना य ा रि मावथांखिफोर(इनफ्रास्ट्रुक्चर प्रजेक्टफोर)नि बेसेना 5.55 लाख कौटि रांनिबो बांसिन बांदें। मिरुआरि सेक्टरनि मावथांखिफोरनि सोमोन्दे (150 कौटि रां आरो बेनि बांसिन)



2023-24 माइथायनि थामथि दाननि थाखाय दानथामारि मावथांखि मावफुंनया थाथाय फोरमायथिआ 1,897 मावथांखिफोरनि गुवारै फोरमायथि होयो। किउपिआइएसआरआ मिनिस्ट्रि

अफ स्टेटिस्टिक्स एन्ड प्रग्राम इम्प्लमेन्टेशनजों थियारि खालाम जानाय। मोनसे मावख'आरि रिपटआव बुंनया जादोंदि, 1,897 मावथांखिफोरनि गेजेराव 448 आ 5,55,352.41 कौटि रांनि

खरसा बांनयायनि फोरमायथि होदें, जाय बिसोरनि गनायथि होजानाय खरसांनि 65.2 जौखोन्दो जायो। रोंग'साफोरा बुडोदि, मावथांखिफोरनि बेसेन बांनयायनि बयनिखुइबो देरसिन जाहोना जादें बै

मावथांखिनि खामानिया थाबथानानै दं आरो थि समाव आबुं जायाखै। बेनिखायनो बेसेना बांगसिनो दं। रिपटनि बायदिब्ला, 292 मावथांखिफोरा गोदानसिन गनायथि होजानाय खरसांनि रुजुनयाव 2,89,699.46 कौटि रांनि खरसा बांनयायखौ दिथिदें। बिनि अनगायैबो 276 मावथांखिफोराव सम आरो खरसा बारायनाय मोनैबो दं। 1,897 मावथांखिफोरनि गेजेराव 56 मावथांखिफोरा थि समाव 632 मावथांखिफोरा थि समाव आरो 902 मावथांखिफोरा गोबाव जादें। आद्रा थानाय मावथांखिफोरा आबुं जाबाय एबा बेफोरनि सोमोन्दे फोरमायथि गैया।

आडानी हान्जाया जाखांफुनाय सेक्टराव 1.44 बिलियन डलार रां बाहायेगोन



गोदान दिल्ली, 28 एप्रिल: आडानी हान्जाया गोदान सेक्टरफोराव गावसिनि फालांगिखौ फेहेरगासिनो दं। आथिखालाव बे हान्जाया डिजिटल बिथायारि सेक्टराव गावसोरनि दवथायनायखौ गोखौ खालामनो थाखाय मोनसे गिदिर रां थिसन्तो थियारि खालामगासिनो दं। बेनि थाखाय हान्जाया Edge Conne जों

लोगो जादें। बेनि सिडव आडानी इन्ट्राप्राइजेज आरो एजकनेक्सनि मोनसे जथाय फालांगि एडनीकनेक्सआ 1.44 बिलियन डलार बुथुमनो थाखाय हादरनि बयनिखुइ देरसिन जोरनो हानाय सोमोन्दो गोनां रांखान्थि फसदें। बे फोरमायथिखौ हान्जाया रबिबाराव होदें। बे ट्रेन्जेकसनआ एडनीकनेक्सनि

लुनाय फुनजिखौ 1.65 बिलियन डलारसिम बांहोदें। बेनि सिगाडव थांनया बोसोरनि जुनाव 213 मिलियन डलारनि गिबिसिन लुनायनि सुबिदा लुनाय जादें। मोन। आडानीकनेक्सनि सिइअ जयकुमार जनकराजआ बुंदोंदि, बे जाफुंसार खामानिया गोजोर आरो गोखौ डिजिटल बिथायारि सानजथाइ गायसन्नाय, मान थाखोखौ दावगाहोनाय आरो गोदान दारिमिन मानथाखो

अखांआव एलियेन नुनो मोन्दें होन्ना दाबि देखांनयनि सायाव एलन मास्कआ गोखौ फिनजाथाइ होदें



गोदान दिल्ली, 28 एप्रिल: माखासे गोबां बोसोर सिगां राडारनिफ्राय गोमालानाय उरां एमएइस 370 खौ गोसोखां होफिन्ना मुलुगनि धोनिसिन सुबुं एलन मास्कआ शनिबारआव मोनसे गिदिर दाबि दैखांदें। टेस्ला कम्पानीनि बिगोमाया निभारनो उययनायनि इन भिडिअ दिन्थिनय मोनसे पस्टनि सायाव फिनजाथाइ होन्नानै एलियेन्सनि जेबो फोरमान नुनो मोनाखै होन्ना फिनजाथाइ होयो। सासे इजआरआ एक्सआव भिडिअ पस्ट खालामनानै मोनसे मुवाखौ उरांनि जोबोर खाथिजों बिरफानाय बायदि मोन्दाथियोदि बेयो मोनसे अपारेसनेलनि इसारा होयो होन्ना बुंदें। लोगोसेनो पस्टआव बे भिडिअआ एमएइस 370 प्लाइटनि होन्नाबो दाबि दैखांदें। मख'जाथावदि, बे उरांआ मालेशिया एयारप्लानेसनिमोन, जाय 2014 नि 8 मार्चआव राडारनिफ्राय गोमालांदें। इजआरआ लिबवावदें बेयो बबेबा धातुनि अरखि नड, बेयो कक्षआव सोरगिदि मोनसे प्लाडमनि बाहागो। बेयो बेनि निजा बोगथावमा गोहो मिरु बायदि, जायजों बेसोरो गावसिनिथि बोगथाव लांदें। बे बुंनया बाश्रानि सायाव फिनजाथाइ होन्नानै माक्सआ लिखदें, आं एलियेननि जेबो फोरमान नुनो मोनाखै। जुदि माल्बा नुयोब्ला बेनि बागै एक्सआव लोगो-लोगो पस्ट खालामगोन। स्पेसएक्सनि अखांमायाव 6,000 सेटेलाइट दड आरो खेबसेबो बेफोरव एलियेन्सनि फोरमान मोनाखै। जुदि बेनि फोरमान मोन्यायमोनब्ला एक्सआव गोखै 100 पस्ट होगौमोन। मख'जाथावदि, गोमानाय एमएइस 370 उरांआ क्वालालंपुर इन्टरनेशनल उरां गाथोननिप्रय बेइजिंआव थांनो बिखंदांमोन, जेराव सा 227 दावबायारि आरो 12 क्रु मेम्बरफोर दंमोन।

लुनाय फुनजिखौ 1.65 बिलियन डलारसिम बांहोदें। बेनि सिगाडव थांनया बोसोरनि जुनाव 213 मिलियन डलारनि गिबिसिन लुनायनि सुबिदा लुनाय जादें। मोन। आडानीकनेक्सनि सिइअ जयकुमार जनकराजआ बुंदोंदि, बे जाफुंसार खामानिया गोजोर आरो गोखौ डिजिटल बिथायारि सानजथाइ गायसन्नाय, मान थाखोखौ दावगाहोनाय आरो गोदान दारिमिन मानथाखो

पेस्टिसाइड लगायनायनि दाय जाबसिन्नायनि सायाव एमडिएइसआ बेखेवेथि होदें

गोदान दिल्ली, 28 एप्रिल: भारतीय मसाला कम्पानी एमडिएइसनि मसालायाव बिष गोनां बेसाद गलायनाय बाश्राया सोराडाव फेनायनि उनाव कम्पानीनि फारसेनिफ्राय फोरमायथि होदें। एमडिएइसनि फारसेनिफ्राय बिसोरनि मसालायाव केन्सारखौ बांहोग्रा बिष गोनां बेसाद गलायनाय बाश्राखौ नेवसिगारदें। कम्पानीआ बे दाय जाबसिन्नायखौ गोरोन्थि आरो जेबो फोरमान गैया होन्नानै फोरमायदें। कम्पानीनि बे फोरमायथिआ हंक आरो सिगापुरआव मोननै भारतरियारि मसाला ब्रान्डफोर एमडिएइस आरो इभारेस्टखौ गावसोरनि हादरफोराव होबथानायनि माखासे सानफोरनि उनाव फेदें। हंक आरो सिगापुरनि फारसेनिफ्राय दाबि दैखांनयाव बादिब्ला, माखासे मसालाफोरव केन्सार सोमजिहोग्रा कांसिनजेनिक पेस्टिसाइड एथिलीन अक्साइड मोन्दें। नाथाय एमडिएइसआ जॉनि मसालायाव इथिलीन अक्साइड मोन्नाय दाय जाबसिन्नाया गोरोन्थि आरो बेनि जेबो फोरमान गैया होन्नानै बुंदें। बिसोर




बुंबावदें बेनि सोमोन्दे सिगापुर एबा हंकनि बिबानगिरिफोरा एमडिएइसजों जेबो सोमोन्दे लाखियाखै। एमडिएइसआ बाहायगिरिफोरोनो बिसोरनि गासे मसालाआ रेखाथि गोनां आरो हाइ क्वालिटिनि होन्नानै फोथायनाय होदें। जों भारत आरो गुबुन हादर मोननैबो जायगायाव सेफिट स्टेन्डाईखौ फल' खालामो। बेनि सिगां एमडिएइस आरो एभारेस्टनि क्वालिटि चेकआव फेल जानायनि उनाव सिगापुर आरो हंकआव बे कम्पानीफोरनि मसालायाव हाइ लेभेल पेस्टिसाइडनि दाय जाबसिनो। नाथाय उनाव मोननैबो कम्पानीफोरनि मसाला सेलनि सायाव हंक आरो सिगापुरआव

होबतानाय जाबसिन्नाय होयो। बेराफारसे भारत सरकारनि फारसेनिफ्रायबो क्वालिटि स्टेन्डाईखौ नायबिजिनरनायनि बाश्रा बुडो। जेनाया बै समाव बाडो जेब्ला आमेरिकायावबो बे मोननै ब्रान्डखौ लानानै होबथानया गोखौ जायो।

रसियानिफ्राय भारतआव फेनाय जाहाजआव बेलिस्टिक मिसाइलजों गाग्लोबनायखौ हुति अखारिफोरा सिमान लादें

जेरुजालेम, 28 एप्रिल: यमाननि हुतिफोर रेडसियाव जाय जाहाजखौ शुकुरबखालि गाग्लोबदेंमोन, बे जाहाजआ रसियानिफ्राय भारत फारसे फेनासिनोमोन। हुति बिग्रायारिफोर गावहरनाय बेलिस्टिक मिसाइलआ शुकुरबखालि रेडसिजों खारबोनाय पनामानि फिफिला लागायनाय थाव टेंकारआव नांन ख'हा खालामो। बेनिफ्राय टेंकारनिफ्राय उखुन्दे ओंखारनायखौ खौराव फोसावनाय सावगारि भिडिअफोरव नुनो मोन्दें। अदेबानि कु हान्जानि सोद्रोमाफोर जेबो ख'हा जानाडखै। नाथाय थाव टेंकारआव इसे ख'हा जादें। बिबानगिरिफोर फोरमायदोंदि, रसियानिफ्राय भारत फारसे फेनाय समावनो यमाननि हुतिफोर बेलिस्टिक मिसाइलजों गाग्लोबदें। अदेबानि जाहाजनि टेंकिआव इसे ख'हा



खौरांनि बायदिब्ला, बे केसनि हेयारिआ जागायनायनि सिगां खमैबो बिसोरखौ 2 दान जोबथेनाय दोन्नोय जागोन। रसियानि बिजिसालिनि आयेन बादिदै बिग्रायारि आफादआव थाफानाय केसआ फोरमान जायोब्ला, सानैबो खौरांगिरिया

खमैबो 2 बोसोर जेलनि साजा आरो नडब्ला 6 बोसोर साजा भुगिनानो हागौ। मख'जाथावदि, रसियाआव सरकारनि हेथायै बाश्रा बुंग्राफोर आरो उदां मिडियानि सायाव सरकारनि नायबिजिनरनाया माखासे सम सिगांनिफ्राय गोखैसिन जाबोदें आरो बेवायदि

नायबिजिनरनाया इउक्रेनजों दावहा जानायनि उननिफ्राय गोखौसिन जाबोदें। बेनि गेजेरजों खौरांगिरिफोरखौ हमदें। गौबभ आरो कार्लिननि सायाव नभालानीनि फाउन्डेसन फर फाइट करारफाननि गेजेरजों सामलायनाय मोनसे इउडुभ चेनेलनि थाखाय प्रग्राम थियारि खालामनायनि दाय जाबसिन्दें। बे चेनेलखौ रसियानि बिबानगिरिफोरा आयेन बेरेखा होन्ना फोसावदें। कर्टनि प्रेस सिबिथाइया गौबभखौ मस्कआव हमदें आरो कार्लिनखौ शुकुरबार मोनायाव मरमस्कनिफ्राय हमदें होन्ना मिबथिहोदें।

बुहुमनि नै खावसे गुन देरसिन ग्रहआव नासानि बिगियानगिरिफोरा जिबि थानायनि मिजिंथि फोरमायदें

गोदान दिल्ली, 28 एप्रिल: बुहुमनि अनगायै बबेबा गुबुन ग्रहआव जिउयारि थानायखौ नायसंनया थाबेनो जोबथानो हासिगौ। अखांमायाव दैथायहरनाय बयनिखुइबो देरसिन जेम्स वेब स्पेस टेलिस्कोपआ जोबोद गोजानाव थानाय ग्रहफोरनि बबेबा मोनसेयाव जिउयारि थानायनि आसा गोनां इसारा मोन्नायनि उनाव बेनि सायाव नोजोर लाखिनो आबुडे थियारि। बे ग्रहखौ के 2-18 बि मुं दोन्नाय जादें आरो बेयो सिं नक्षत्रनि गाहायाव आरो के 2-18 हाथखि साखाथियाव दड। बुंनया जादोंदि, के 2-18 हाथखिआ रीनि साननि खावसेल' दथायनि। बेराफारसे बेयो ग्रह के 2-18 बिआ बुहुमनिफ्राय 2.6 गुन देरसिन। सुलुनि बादिब्ला, बिगियानगिरिफोर थरसे ग्रहनि गेममन्डलआव मोनसे एरेबादि रोस संदानें जाय जिउनांफोरनिफ्रायल' सोमजिदें जानो हागौ। बिगियानगिरिफोरा बे ग्रहनि बार मन्डलआव डाइनिथाइल सालफाइड (डिएएमएस) गेस मोन्दें। बिथामोनहा बेखौ लैथोमायारि



जेम्स वेब टेलिस्कोपखौ 2021 आव गुयाना स्पेस सेन्टरनिफ्राय लन्व खालामदेंमोन। गावनि थि जायगासिम सौहेनायनि उनाव बेयो गोबां सोमोनांथाव तथ्यफोरखौ सोराडव लाबोदें। जेराव अखांमनि बयनिबो गोसो बोनो हानाय सावगारियाबो दंफायो। जायखौ बेयो नासानो दैथाय हरो। बे जेम्स वेब टेलिस्कोपआ बुहुमनिफ्राय 1,300 सोरां बोसोरगोजानआव थानाय थरसे ग्रह वास्प-107 बिखौ संदानानै दिहुन्दें। बेनि अनगायै गुबुन थरसे ग्रह जि जे 1214 निबो सावगारि दैथाय हरदें, जायनि बोखथावमाया जोंनि बुहुमनिफ्राय 8 गुन बांसिनमोन।


जेम्स वेब टेलिस्कोपखौ 2021 आव गुयाना स्पेस सेन्टरनिफ्राय लन्व खालामदेंमोन। गावनि थि जायगासिम सौहेनायनि उनाव बेयो गोबां सोमोनांथाव तथ्यफोरखौ सोराडव लाबोदें। जेराव अखांमनि बयनिबो गोसो बोनो हानाय सावगारियाबो दंफायो। जायखौ बेयो नासानो दैथाय हरो। बे जेम्स वेब टेलिस्कोपआ बुहुमनिफ्राय 1,300 सोरां बोसोरगोजानआव थानाय थरसे ग्रह वास्प-107 बिखौ संदानानै दिहुन्दें। बेनि अनगायै गुबुन थरसे ग्रह जि जे 1214 निबो सावगारि दैथाय हरदें, जायनि बोखथावमाया जोंनि बुहुमनिफ्राय 8 गुन बांसिनमोन।

जादोंब्लाबो बेखौ सामलायनो हादें आरो गिदिर ख'हा जायाखै। आमेरिका सान्थ्रिनि सेन्ट्रेल कामानआ बुंदें, हुतिफोर बे गाग्लोबनाय मोन 3 मिसाइल गावहरदेंमोन, जायनि मोनसेया पनामनि फिफिला लानाय, सेसेल्स-रेजिस्टर्ड एन्डमेदा स्टार जाहाजआव नौहना ख'हा खालामो। हुति सान्थ्रिनि बुंथिगिरि ब्रिगेडियार जेनेरेल याहया सारीआ उनाव मोनसे रिक्टेंड फोसावनाय शनिबार अखानायसि समाव जाहाजआव गाग्लोबनायखौ सिमान लायो।

बाबर आजमआ टी-20 क्रिकेटआव जा रिमिन सोरजिदों

गोदान दिल्ली, 28 एप्रिल: पाकिस्तान लिमिटेड अभारनि केपेन बाबर आजमआ टी-20 क्रिकेटनि फोथारआव जा रिमिन सोरजिदों। बिथाडा टी-20 इन्टरनेसनल क्रिकेटआव जुथायै जाफुंसारनाय केपेननि फोस्मान जाबाय। बाबरआ थांनाय दानआव फिन खेबसेबाव पाकिस्ताननि केपेन सायख'जादों। जेराव बिथाडा 2023 नि नभेम्बर दानआव गासैबो फर्मेटनिफ्राय केपेननि बिबानखौ एंगारबायमोन। बाबरआ खेब 76 मेचफोराव पाकिस्तान हान्जा नि केपेन जाखांबाय आरो बेनि गेजेराव हान्जाखौ खेब 44 मेचआव देरहाहोबाय। बिथाडा इंग्लेण्डनि बारा' केपेन इयन मर्ननि समान रेकर्डआव सौहैबाय। जेराव मर्ननआबो टी-20 इन्टरनेसनल फर्मेटआव गेलेनाय खेब 77 मेचआव केपेन महरै हान्जाखौ खेब 44 मेचआव देरहाहोबाय। बाबरआ बे रेकर्डखौ निउजिलेण्डनि हेंथायै बाथि आरो जोबथा टी-20 इन्टरनेसनल मेचआव देरहानायजों थिसन्दों।

बाबर आजम ने की वर्ल्ड रिकॉर्ड की बराबरी



लाहरनि गदापी स्टेडियमआव गेलेनाय बे मेचआव निउजिलेण्डखौ 9 रानजों फे जेन्नानै पाकिस्तानआ सिरिजआव 2-2 स्करआव आवगायदों। सोलिफु बोसोरावसो टी-20 वर्ल्ड कापआव डेब्यु खालामनो ओं खारनाय युगान्दानि हान्जायाबो मोजाडै दिन्थिफु'नायजों जागायनो नाजागोन। ब्रायन मसालाआ दासिमाव गेलेनाय खेब 56 मेचआव खेब 44 मेच देरहाहोबाय। केपेन महरै भारतनि एमएस धनीआबो खेब 72 मेचफोराव हान्जाखौ खेब 42 मेचआव देरहाहोबाय। भारतनि सोलिफु केपेन रहित शर्माआ खेब 54 मेचफोराव खेब 42

देरहाहोबाय। जायनि फारिआव आफगानिस्ताननि असगर आफगानआबो खेब 52 मेचफोराव हान्जाखौ खेब 42 देरहाहोना हाबाय। पाकिस्तान आरो निउजिलेण्डनि गेजेराव गेलेनाय सिरिजनि बाश्वा बुडेव्वा पाकिस्तानआ 5 थि इन्टरनेसनल बे मेचआव गिबियै बेटि खालामदोंमोन। जायनि फारिआव आजमआ 44 बलआव खेबबै 4 आरो खेबनै 6 रानजों 69 रान लादों। बेबादिनो हान्जाया 20 अभारआव 5 उइकेट खोमानानाँनै 178 रान लादोंमोन। बेनि फिन्नायाव निउजिलेण्डनि हान्जाया 19.2 अभारआव 169 रानआवनो अलआउट जाजोबदोंमोन।

हम्पी, हरिका आरो भैशालीआ फिडे अमेन ग्रेन्डप्रिक्सआव भारतनि सेलेन्जखौ दैदेनगोन

गोदान दिल्ली, 28 एप्रिल: भारतनि आइजो ग्रेन्ड मास्टर कनेरु हम्पी, हरिका द्रनाभल्ली आरो भैशालीनि हान्जाया 2024-25 फिडे अमेन ग्रेन्डप्रिक्स सिरिजआव भारतनि सेलेन्जखौ दैदेनगोन। बे दुर्नामेन्टआव बाहागो लानो गोनां गासैबो सा 14 गेलेगिरिफोर क्वालिफाई मार्कखौ आबु खालामनानाँनै उनाव आइजो ग्रेन्डप्रिक्सआव गावसोरनि मासिखौ रोखा खालामदों। आद्रा सा 6 गेलेगिरिफोरखौ खेबफ्रोम खेब 6 दुर्नामेन्टनि गेजेरजों थि खालामदों। बे इभेन्टआव बाहागो लानो गोनां गेलेगिरिफोरनि गेजेराव क्लासिकल टाइमनि गेजेरजों साथाम आइजो वर्ल्ड सेम्पियन तान झांग्ये, आले कजेन्डा कस्टेनियुक आरो मारिया मुजिकचुकजों लोगोसे बारा' रेपिड वर्ल्ड सेम्पियन हम्पी, केथरिना लेग्र' आरो आन्ना मुजिकुकआबो दड। सोलिफु



सेम्पियन ड्यु बेन्जुनआ ग्रेन्डप्रिक्स सिरिजआव बाहागो जानाय नडा। बिथानि जायगायाव आइजोफोरनि वर्ल्ड रेपिड आरो ब्लीट्स सेम्पियनसिप 2018 नि रानार्सआप सरसादत खदेमलशरीजखौ सोफानाय जादों। थांनाय बोसोरनि अक्टबर दानआव फिडेआ अमेन ग्रेन्डप्रिक्सनि नेमखान्थिफोराव सोलायनाय लाबोदों। थांनाय सिरिजनि रुजुनायाव जानो गोनां सिरिजआव गोबां सोलायनाय



लाबोदों। जेराव दुर्नामेन्टनि हारआ 4 निफ्राय बांनानै खेब 6 जाहैबाय आरो इभेन्टआव बाहागो लानो गोनां बादायारिफोरनि अन्जिमाया 16 निफ्राय सा 20 जाहैबाय। बेनि अनगायैबो बादायारिफोरनि थाखाय बान्थायाव बारायनाय लाबोदों। फिडेनि गाहाइ बिबानगिरि एमिल सुतभस्कीआ बे इभेन्टनि थाखाय क्वालिफाई जानाय गेलेगिरिफोरनिसिम गाहाम हामलायथि हरदों। बिथाडा

फिडेनि थाखाय सोलिफु समनिफ्रायनो गेलेगिरिफोरखौ थियारिआव थानो खालायदों। लोगोसे इभेन्टआव गोबां आइजो गेलेगिरिफोरखौ बाहागो लाजानो लुबैदों। बे समाव बिथाडा रेंगथि गोनांसि गेलेगिरिफोरनि थाखाय बे इभेन्टनि बान्थाखौ गथायनाय जागोन होन्नानै फोरमायदों। थांनाय माखासे सान सिगां भारतनि ग्रेन्डमास्टर डिगुकेशाओ केन्डिडेस दुर्नामेन्टआव जा रिमिन थिसन्दोंमोन। जायनि उनाव आइजो ग्रेन्डमास्टर गेलेगिरिफोरनिफ्रायबो ग्रेन्डप्रिक्सआव मोजाडै दिन्थिफु'गोननि मिजिथि लाबाय।

फिडेआ वर्ल्ड सेम्पियनसिपनि थाखाय बिडिं खालामनाय हाबाखौ जागायबाय



गोदान दिल्ली, 28 एप्रिल: भारतआ जुदि रेंगथि गोनां डिगुकेशाओ आरो चीननि सोलिफु सेम्पियन डि लिरेननि गेजेराव वर्ल्ड सेम्पियनसिपनि बादायलायनायखौ खुंनो लुबैयोव्ला अल इन्डिया चस फेडरेसनआ 80 कौटि रानि बांसिन खरसा खालामनांगोन। बे बाउटआ फैगौ 20 नभेम्बर आरो 15 डिसेम्बरनि गेजेराव खुंजागोननि मिजिथि लाजादों। नाथाय दासिमावबो बेनि सायाव रोखा जायाखै। मुलुगनाडारि

फसंथान चसखौ सामलायग्रा फिडेआ मेचनि थाखाय बिदाइ होग्राफोरनिफ्राय गोबां बिड लागायगोननि मिजिथि लादों। एआइसिएफनि गोदानै सायख'जानाय नेहाथारि देब पाटेलआ ग्रेन्ड फिनालेखौ बान्जायनायनि थाखाय हायुडरि आफादिनि गोसो जानायखौ फोरमायदों। गुकेशनि बाहागो जानायाव एआइसिएफआ बे दुर्नामेन्टखौ खुंफु'नो गोसो जानाँनै दड। 17 बोसोर बैसोन गुकेशाओ थांनाय समबाखालि

तरेन्टआव जालानाय केन्डिडेट दुर्नामेन्टनि बिमुं देरहानाय बयनिखुइबो लाइमोनसिनि सेलेन्जर जानो हाबाय। जानो हाथाव बिड लागायग्राफोरा एआइडिनि फोरमायनाय गुदि मान थाखो एबा कन्डिसनिफोरखौ सुफु'नो नांगोन। बेनि थाखाय खुंफु'ग्रा आफादिनिफ्राय बान्जायनायनि माखासं खाबुफोर जगायनाय जागोन। बे दुर्नामेन्टआ 25 सानसिम सोलिगोन। फिडेनिफ्राय एआइडिइजों होजानाय बान्थायारि बेसेनआ गासै 20 कौटिनि गोजौआव थाहैगोन। जेराव 2023 आव बेनि बेसेनआ 17 कौटि रानि साखाथियावमोन। फिडेआ बे आयदानि सायाव फैगौ 31 मेसिमआव माखासं थांखि लानो हागौ।

गोदान दिल्ली, 28 एप्रिल: भारतनि आइजो बेडमिन्टन गेलेगिरि अस्मिता सलिहाआ गावनिफ्राय जोसिन रेंकिनि गेलेगिरि मिसेल लीखौ फे जेन्नानै मेचनि दिगखौ सोलायदों। बिथानि देरहानायजों भारतीय आइजो बेडमिन्टन हान्जाया उबेर काप दुर्नामेन्टआव देरहानायजों जागायबाय। भारतीय आइजो हान्जाया बिथानि दिन्थिफु'नायजों कानाडानि सायाव 4-1 स्करआव देरहानायजों जागायबाय। रेंकिआव 53 थि मासिआव जायगा मोन्नाय सलिहाआ गोसोयारि बिथिडव गोखौ थानायजों आरो गावनि आदोबजों दिन्थिफु'नाँनै मुलुगनि

हार्दिक पन्डियाआ जेन्नायनि दायखौ तिलक भर्मानि सायाव होदों

गोदान दिल्ली, 28 एप्रिल: मुम्बाइ इन्डियान्सनि हान्जाया आइपिएलनि 17 थि सिजनआव दासिमआव मिजिथिनि बाइजोआव दिन्थिफु'नायसिनो दड। दिल्ली के पिटेलसनि हेंथायै 28 एप्रिलखालि गेलेनाय मेचआव बे हान्जाया 10 राननि फारागआव जेन्नादों। बे मेचआव मुम्बाइनिफ्राय बलारफोर गात्रियै दिन्थिफु'दों। जायनि जाउनाव दिल्ली केपिटेलसआ 20 अभारआव 257 रान स्कर लाखिदों। बे टार्गेटआव ओंखारनाय मुम्बाइनि हान्जायाबो देरहानाय साखाथियाव 247 रानसिम सौहैनो हादों। मुम्बाइनि इनिंसआव तिलक भर्माआ हान्जाखौ गात्रियै जेन्नायनिफ्राय रैखाथि होनायाव गोबां बिहोमा होदों। जेराव बिथाडा 32 बलफोराव 63 राननि इनिंस गेलेदों। नाथाय मेचआव जेन्नायनि उनाव मुम्बाइ हान्जा नि केपेन हार्दिक पन्डियाआ तिलक भर्मानि गेम एवारनेसनि सायाव सौंथि खालामनानै जेन्नायनि



जाहोनखौ बिथानि सायाव जाबसिन्दों। पन्डियाआ दिल्लीनि हेंथायै मेचआव जेन्नायनि उनाव ब्रडकास्टजों मोगा-मोगिआव अक्सर पाटेलनि बलिं खालामनाय समाव आगिस आखाइनि

बेटसमेननिफ्राय बेनि हेंथायै एटेक्ट खालामनांगौनि गोनांथिखौ फोरमायदों। लोगोसे गावसोरनिफ्राय गेम एवारनेसनि सायाव नोजोर लाखिनांगौखौ फोरमायनानै बे जाहोननि समाव आगिस आखाइनि

फोरमायो। हार्दिकआ थोंजोडै तिलकनि सायाव दाय होदों आरो बिथानि बलिं समाव गोखौ बेटि खालामनायखौ फोरमायदों। अक्सरआ बे मेचआव गावनि 2 अभारआव 24 रान होदों। कुल्दपआ

आगिस आखाइनि स्पीनार महरै 3 अभारआव 47 रान होदों। कुल्दपनि गिबि 2 अभारआव तिलकआ 4 बलल' गेलेदों। जेराव बिथाडा 4 रानल' लादों। बेनि उनाव कुल्दपनि थामथि अभारआव तिलकआ खेबनै 6 रान आरो खेबनै 4 रान लादोंमोन। गावनि बिबुंथिनि समाव हार्दिकआ गेलेनाय समाव बलिंनि फोथारआव बांसिनै गोहो गेमलैजानायखौ फोरमायदों। लोगोसे हान्जानिफ्राय गावसोर गोत्राबे फिन्नाय होफिन्नायखौ फोरमायदों। अब्बाबो गावसोरनि जेन्नायनि जाहोनखौ बिथाडा मिडिल अर्डरआव गोरोन्थियै दिन्थिफु'नायनि थाखाय जादों होन्नानै फोरमायो।

तेजिन्दर पालआ गावखौनो टप एथलेटफोरनि सारिआव जायगा लाखिदों

गोदान दिल्ली, 28 एप्रिल: एसियान गेम्सआव सनानि मेडल देरहानाय शटपुट खुबैगा तेजिन्दर पाल सिंह टुरआ निरज चप्रानि जेभलिनआव जाफुंसारनायनि उनाव गावनि गोसोयारि थासारिआव सोलायनाय फैनायखौ फोरमायनानै भारतीय एथलीटफोरनि गोसोआव पेरिस अलिम्पिकआव बाहागो जानायनि सोलायै बेयाव देरहानाय थांखिजों ओंखारनांगौनि गोहो होदों। भारतनि टप शटपुट खुबैगा सिंहनि बादिल्का, टकिअ अलिम्पिकआव वर्ल्ड सेम्पियन निरजआ जा रिमिनारि सनानि मेडल देरहानायनिफ्राय भारतीय गेलेगिरिफोरनि गोसोआव गावयारि फोथायनाय बांनो हम्दों आरो गावबो गावखौनो मुलुगनि टप एथलीटफोरनि समानआव जायगा होयो होन्नानै फोरमायदों। खेबनै एसियान गेम्सआव सनानि मेडल देरहानाय टुरआ खौरंगिरिनि सौंथिआव टकिअ अलिम्पिकआव निरजनि सेम्पियन जानायजों भारतीय गेलेगिरिफोरनि गेजेराव दोहौ फैनायखौ फोरमायनानै भारतनिफ्राय पेरिस अलिम्पिकआव बे खेबआव बाहागो लानो थांनायनि सान्थौ लानायखौ गोजानाव दोन्नानै मेडलनि थांखिजों बाहागो लानांगौनि सुबुरुन होदों। बेनि थाखाय बिथाडा मेडल देरहानाय सान्थौखौ लानानैसो पेरिससिम दावबायनांगौनि गोनांथिखौ फोरमायो। सिगां फार्सै बिथाडा आथिखालाव भारतीय गेलेगिरिफोरनि गेजेराव गोसोयारि गोखौंथि बांनायखौ फोरमायो। लोगोसे बिथाडा गावखौनो गाव मुलुगनि



टप एथलीटफोरजों समानआव सान्नांगौनि गोनांथिखौ फोरमायनानै बे सान्थौजों इभेन्टआव बाहागो लानांगौखौ फोरमायो। वर्ल्ड सेम्पियनसिपनि फोथारआव बिथाडा निरज आरो किरार जेनानि जाफुंसारनायखौ फोरमायनानै दिपि मनुमोनबादि गोखौ गेलेगिरिफोरनो गावखौ रजुनांगौनि गोनांथिखौ फोरमायो। खेब 27 आइबिएएफ वर्ल्ड सेम्पियन पंकज आडवानी, टप शूटर तेजास कृष्णप्रसाद, स्कावाश स्टर यसना सिनाप्पा, बारा' इन्टरनेसनल गेलेगिरि आरो अर्जुन बान्था देरहागिरि आस्विनी पनप्पामोनखौ बिथाडा बान्थायनानै बिसोरबादि गेलेगिरिजोंनो गावखौ गोसोआव रजुनांगौनि गोनांथिखौ फोरमायो।

वर्ल्ड नम्बर 1 स्विचातेकआ माद्रिद अपेननि जोबथा 16 आव सौहैबाय

माद्रिद, 28 एप्रिल: मुलुगनि नम्बर 1 आइजो टैनिस गेलेगिरि इगा स्विचातेकआ गावनि मोजां फर्मखौ लाखिनो हानानै देरहानायजों माद्रिद अपेननि जोबथा 16 आव सौहैबाय। पलेन्डनि गेलेगिरि स्विचातेकआ आइजो सिंगेल्सनि बादायनायाव रमानियानि सराना कृस्टिखौ थोंजों सेटफोराव 6-1, 6-1 स्करआव फे जेन्दों। बे देरहानायजोंनो स्विचातेकनि जेन्नाय आरो देरहानाय रेकर्डआ बिथानि हेंथायै 26-4 स्करआव सौहैयो। बिथाडा थांनाय बोसोरव बे अपेननि फाइनलाव सौहैदोंब्लाबो सबाले'काजों जेन्नानानै बिमुंखौ खोमानांदों।



स्विचातेकआ जोबथा 16 नि मेचआव स्पेननि सारा सरिबेस टरमनि हेंथायै सेलेन्जआव ओंखारगोन। बिथाडा फैगौ दानआव जानो गोनां फ्रेन्स अपेननि थाखाय थियारिनि मुखुबआव दड। मख'नो गोनांदि, स्विचातेकआ फ्रेन्स

अपेनआव खेबथा म बिमुं देरहाखांबाय। हौवाफोरनि सिंगेल्सडिनि बादायनायाव ब्राजिलनि क्वालिफायर गेलेगिरि टियाग' मन्थियर'आ नैथि राउन्डआव मुलुगनि 7 थि नम्बरनि गेलेगिरि स्टेफेनस सितासिपासखौ 6-4, 6-4

स्करआव फे जेन्नानै अन्त्यागिरिफोरखौ गोमोहोदों। सितासिपासआ सोलिफु दाननि जागायजेन्नायाव मन्तेकाल टुर्नामेन्टआव देरहादोंमोन आरो थांनाय सप्ताहआव बिथाडा बांसिलना अपेननि फाइनलाव सौहैदोंमोन। मेचनि उनाव सितासिपासआ बेरेखा बादायारिफोरनि हेंथायै गावनि मोजाडै दिन्थिफु'नो हानायखौ फोरमायदों। लोगोसे बे मेचफोरनि समाव मोजां शट बुनो हानायखौ फोरमायनानै जानो गोनां उननि मेचफोरावबो बे फर्मखौ लाखिलांनो नाजागोननि फोथायथि होदों।

अस्मिता सलिहाआ उबेर कापआव मेचनि दिगखौ सोलायनो हादों



25 थि रेंकिनि गेलेगिरिखौ फे जेन्दों। बिथाडा लीखौ जागायजेन्नाय सिंगेल्सनि मेचआव 26-24, 24-22 स्करआव फेजेन्दों। लीआ 2014 आरो 2022 कमनवेलथ गेम्सआव फारियै सनानि मेडल

देरहाखांबाय। थांनाय फेब्रुवारी दानआव गिबि खेब एसिया टीम सेम्पियनसिपआव देरहानाय भारतीय हान्जानि बाहागोआव थानाय सलिहाआ पिभि सिन्धुजों लोगोसे टप गेलेगिरिफोरनि बाहागो

जायैआव भारतीय हान्जाखौ मोजां लामाजों लाबोजेन्दों। थांनाय बोसोरार सिनियर नेसनेल सेम्पियनसिपनि बिमुं देरहानाय प्रिया कन्जेगबाम आरो श्रुति मिश्रानि आइजोफोरनि डबल जराआ केथरिन चइ आरो

जेसलिन चाउखौ 21-12, 21-10 स्करआव फेजेन्नानै भारतखौ 2-0 स्करआव आवगायहोबाय। इशा रानी बरुवाआ वेन यु झांखौ 21-13, 21-12 स्करआव फेजेन्नानै भारतखौ 3-0 स्करआव आवगायहोदों। नाथाय नैथि आइजोफोरनि डबल्सआव सिमरन् सिन्धी आरो ऋतिका ठाकुरनि जराआ जेको डेट आरो क्रिस्टलजों 19-21, 15-21 स्करआव जेन्नाडो। बेनि उनाव नेसनेल सेम्पियन आन्मल करबआ बाथि आरो जोबथा मेचआव इलियाना झांखौ 21-15, 21-11 स्करआव पेजेनो। बे खेबआव भारतनि आइजो हान्जाया सिंगापुर आरो बेनि उनाव मंगलबारखालि सेलेन्जआव ओंखारगोन।